


AN XXIV DAL STROLIC FURLAN



50

An XXI E. F.
Societât Filologiche Furlane
UDIN



COKE

Officina Comunale del Gas

Udine

Via Bersaglio, 1

Telefono n. 1-59

CONSULENZA TECNICA GRATUITA



**BIRRA
MORETTI
UDINE**

Officine PIETRO CLOCCHIATTI

Telefono N. 41 - UDINE - Via Treppo, 22

Gassogeni "Friuli", Brevetto MANTOVANI

VENDITA AUTORIZZATA
AUTO E RICAMBI

FIAT

D'POSITO GOMME
PIRELLI e MICHELIN

ACCUMULATORI
HENSENBERGER

RIPARAZIONI

VACUUM OIL

DEPOSITO PEZZI DI RICAMBIO



SOC. AN. COMMERCIALE

LUIGI SPEZZOTTI

TESSITURA DI COTONE

UDINE

Uffici - Depositi: Via C. Ciano, 15 - Tel. 1-37

Stabilimento: Casali Paparotti, Cussignacco - Tel. 4-13

FRATELLI BROILI - UDINE

Negozio per la vendita al dettaglio: VIA POSCOLLE, 7

MAGAZZINI: Via del Sale, 5-7 - OFFICINE: Via San Rocco

Ferri e Metalli

Pallini - Cartucce ed articoli per Cacciatori

Articoli casalinghi

Stufe e cucine economiche di ogni tipo

Filiali: CIVIDALE e CODROIPO

L'AMAR DI UDIN

Agnè Bete, la viele di Stravile,
 'a nus diseve che par duc' i mai,
 magòn o inciastri, fèrse o rosepile,
 molvàrie o tòs, maruelis o travai
 di stomi, fin duliis e crics e chile
 e discuinz, tan che ogni altri tananai,
 par duc' i mai al è un rimiedi pront
 tes jarbis che si ciate in plan o in mont.

Si la viodeve a voltis fur di strade
 a trapeà par roncs e par pustòz,
 cepelànt su pe cueste insoreglade
 qualchi s'ciarnete pai siei messedòz.
 Fòssial destin de vite lambicade,
 fòssie virtùt d'implastris e decòz,
 fat al è che muri a cent agn di un sfuarz,
 senze cognossi miedis ne spizziars.

Cui s'intindaràl plui di pentinele
 e saùt e varuschi e sarasin
 o di mur o di prât, di mercurele,
 e betòniche e lichil e cumin,
 di mentegree, lat di strie, starnudele,
 jarbe di ton, plantagn, brusse, graspin?
 Finide Bete la medisinarie
 la so scienze varae di finì parie?

Ma dibòn che salvade fo une ciarte
 di chel libràz che je veve inimènt,
 e capitade, ce che plui impuarte,
 fra lis mans di un dotòr savi e prudènt,
 che studiant sore al fasè la scuviarte
 di un licòr prezios c'al è un portènt,
 une mane, no us conti buridóns,
 par justà il stomi a lis generaziòns.

Vè a puest il stomit, il fiât, la splenze,
 savès c'al ul di vivi in bon umòr,
 repelâsi a la svelte di ogni mende,
 durmi i siei siuns, fâ front al so lavòr,
 e se pùr us va strucie une facende
 viodi istès chest mondât sot biel colòr.
 Il bultric al è simpri, e simpri stât,
 une gran robe par l'umanitât.

Ben, fur che vegni une tal maravee,
 mi sint a bruntulâ, che vin l'agagn
 di tant discori! 'O sol de uestro idee:
 chest'essenze di jarbis, che à otant'agn
 di prove, chest licòr che nus racree
 il gosolâr e che no 'nd è un compagn,
 si clame - us pant il nom e po us saludi -
 la flôr di duc' i amàrs, l'AMAR DI UDIN!

VINI

Marzano Francesco

UDINE - Via Marsala, 34 - UDINE

Telefono 540

Vecie Dite stimade e rinomade

VINI

Cooperativa Carnica di Consumo e di Produzione

Capitale illimitato - Riserve L. 550.000

Tolmezzo

La più importante organizzazione commerciale della zona - Vasti servizi centrali con Magazzini - Enopolio - Panificio - Molino - Energia Elettrica - Sezione Risparmio - Tessuti - Trattoria - 41 Spacci periferici - 5 mila Soci - Assicura il più completo e pronto servizio con i migliori generi in ogni località della Carnia, Canal del Ferro e Val Canale.

GIACOMO FALOMO

GEMONA DEL FRIULI

Premiata fabbrica Sciroppo di frutta - Liquori - Bibite gasate
Specialità Sciroppo di Lampone Alpino

PASTIFICIO QUADRVIVUM S. A.

(già Lotti & De Nobili)

CODROIPO



...il mio cavallo
di battaglia....

Banca Carnica - Tolmezzo

Società per Azioni - Fondata nel 1890

Esattrice e tesoriere del Consorzio di Ampezzo

Capitale L. 1.000.000 - Versato L. 560.000 - Riserve L. 720.000

Eseguisce tutte le operazioni e servizi di Banca

Piazza XX Settembre, Palazzo proprio - Telefono N. 8

Banca del Friuli

SOCIETÀ ANONIMA - Fondata nell'anno 1873 - Esercizio 70°

Sede Direzione Centrale: UDINE

CAPITALE E RISERVE L. 14.550.000.—

CONSIGLIO D'AMMINISTRAZIONE

Presidente: *Spezzotti cav. di gr. croce rag. Luigi*, Cavaliere del Lavoro, Senatore del Regno.

Vice Presidente: *Tullio nob. gr. uff. dott. Francesco*, Senatore del Regno.

Consigliere Segretario: *del Torso co. cav. dott. Enrico*.

Consiglieri: *Asquini comm. dott. Mario* - *Bon comm. rag. Luigi* - *Capsoni de Rinoldi nob. cav. avv. Urbano* - *Frova comm. Luigi* - *Malignani Camillo* - *Piussi cav. Ottone* - *Volpe comm. dott. Antonio*.

Sindaci effettivi: *Scoccimarro cav. rag. Maurizio*, Presidente - *Omet cav. rag. Ugo* - *Zoratti cav. avv. Egidio*.

Sindaci Supplenti: *Nimis avv. Feliciano* - *Scala dott. Gio. Battista*.

Direttore Generale: *Bon comm. rag. Luigi*.

Vice Direttore Generale: *Zilio cav. rag. Giuseppe*.

FILIALI:

Aviano - Artegna - Buia - Casarsa - Cervignano del Friuli - Cividale del Friuli - Codroipo - Cordenons - Cordovado - Cormons - Fagagna - Gemona del Friuli - Gorizia - Gradisca d'Isonzo - Grado - Latisana - Maniago - Moggio Udinese - Molfalcone - Montereale Cellina - Mortegliano - Ovaro - Palmanova - Paluzza - Pontebba - Pordenone - Portogruaro - Sacile - S. Daniele del Friuli - S. Giorgio di Nogaro - S. Vito al Tagliamento - Spilimbergo - Tarcento - Tarvisio - Tolmezzo - Torviscosa - Tricesimo - Valvasone

RECAPITI:

Azzano X - Caneva di Sacile - Clauzetto - Faedis - Lignano Bagni - Meduno - Polcenigo - Talmassons - Travesio - Venzona

ESATTORIE CONSORZIALI:

Aviano - Meduno - Moggio Udinese - Pontebba - Nimis - Ovaro - Paluzza - Pordenone - S. Daniele del Friuli - S. Giorgio di Nogaro - S. Vito al Tagliamento - Torviscosa

Servizio Cassette di Sicurezza - Ogni altra operazione di Banca

La BANCA DEL FRIULI

quello che in Friuli raccoglie nel Friuli distribuisce

Articoli fotografici **Pignat**

*Apparecchi e materiale sensibile
delle migliori marche - La più vasta raccolta fotografica
di paesaggi, costumi e opere d'arte del Friuli*

UDINE

Via Manin, 1^a - Telef. n. 7-29 - Via Rausced, 3

Istituto Comunale Provinciale di Toppo Wassermann

COLLEGIO MASCHILE - UDINE

Uno dei più belli d'Italia - Locali spaziosi, ampio campo sportivo, giardino, grande galleria per ricreazione al coperto, salone bagni

Scuole interne Elementari - Scuola Media - Istituto Tec. Commerciale ad indirizzo "Mercantile", - parificate agli Istituti Regi

I convittori possono frequentare le Scuole Regie della Città: Ginnasio, Liceo Classico - Istituto Tecnico Superiore per Geometri - Liceo Scientifico - Istituto Magistrale - Istituto Industriale per Costruttori Aeronautici.

Per informazioni rivolgersi alla Direzione

ONORANZE FUNEBRI

ANNA PITTURITTO

**Autovetture trasporti Salme - Funerali in Città e fuori Comune
Bare comuni e di lusso**

UDINE

Negozi Via Rialto, 9 - Tel. 83 - Laborat. Via A. Diaz, 16 - Abit. Via A.L. Moro, 12, Int. 5

ASSICURAZIONI GENERALI

di TRIESTE e VENEZIA

SOCIETÀ ANONIMA ISTITUITA NEL 1831

Capitale sociale interamente versato 120 milioni

Fondi di garanzia oltre 3 miliardi 632 milioni



ASSICURAZIONI
- INCENDI - VITA -
TRASPORTI - FURTI

Rappresentanze delle Società Anonime Italiane di Assicurazione

GRANDINE - INFORTUNI

di Milano

Le ASSICURAZIONI GENERALI sono rappresentate nelle Province di Udine e di Gorizia da:

Cav. dott. Giuseppe Palese: GEMONA

Adriano Comel: GORIZIA

Guido Furlani: LATISANA

Comm. Giuseppe de Carli, medaglia d'oro: PORDENONE

Vittorio Barazzutti: TOLMEZZO

Nicola Cassinis: UDINE

X

BANCA COOPERATIVA di CIVIDALE

SOCIETÀ ANONIMA

Capitale e Riserva al 31 die. 1941 L. 1.670.681,94

Corrispondente della Banca d'Italia
e dei principali Istituti di Credito

TARVISIO

(m. 751 s. m.)

Centro di soggiorno estivo
e di sports invernali

FRANCESCO ORTER

UDINE -

C. P. C. Udine N. 3231 - Telefoni n. 75 e 9-67
Filiale in CIVIDALE, Piazza Duomo, 4 - Tel. N. 47

FERRI NAZIONALI ed ESTERI - Acciai, Piombo, Stagni e Bande
stagnate, Rame, Ottone, Zinco, Ferramenta ed Ottonami lavorati
- CHIODERIE, BROCCAMI, FALCI, ecc. - Travi di ferro, Tubi
neri e zingati



Agricoltôrs

Domandait simpri il falzèt

«Superba del Friuli»

MARCHE GARANTIDE

Cassa di Risparmio di Gorizia

FONDATA NELL'ANNO 1831

PROPRIA SEZIONE DI CREDITO FONDIARIO

Tutte le Operazioni
di CASSA DI RISPARMIO e di BANCA

Marmelade Maselli

*Lis marmeladis che Maselli al mande
fûr di Gurizze - si pô di par dut -
'e disin de bontât de nestre tiare
e fan onôr 'e patrie di Zorût.*

Antonio Maselli

Fabbrica frutta candite, marmellate,
sciroppi.

Gorizia

Via Garibaldi N. 6

Romanelli & Somma-Udine

DEPOSITO: Scalo Gervasutta - UFFICI: Via Milazzo, 14 - Telefono 3-29

Commercio - Industria Legnami

Produzioni proprie: Pontebba (alto Friuli)

e ETENDORF (Carinzia)

DIANA & ROMANELLI

UDINE

Via Teobaldo Ciconi, 12 - Tel. 5-55 - C.P.C. 23382

Industria e Commercio

AUTOMOBILI

MOTOCICLI

VELOCIPEDI

e loro parti

Pneumatici **PIRELLI**

Materiali Magneti Marelli

Materiali **BOSCH**

Consorzio Agrario Provinciale Udine

Direzione e Amministrazione
Via Grazzano, 1 - Tel. 3.05-6.34
16.83-18.37

Magazzini, Frigorifero e Filan-
dino Sperimentale

Via G. Sabbadini, 2 - Tel. 8.75
3.92

Sezione Ortofrutticola
presso il Mercato Coperto
Tel. 14.26

Ogni merce d'uso agrario
Tutte le macchine per l'agricoltura
Gestioni ammassi obbligatori

19 FILIALI - 21 AGENZIE - 19 RECAPITI - 11 RAPPRESENTANZE

S. A. TRANVIE DEL FRIULI

Le Tranvie

UDINE-TRICESIMO-TARCENTO

e UDINE-S. DANIELE

**Vi offrono cento mete
per le vostre gite domenicali**

LA

SNIA VISCOSA

con le piantagioni di
canna comune ed i
grandiosi impianti di

TORVISCOSA,

città nuova della generosa
terra friulana, assicura alla
Nazione il fabbisogno di
CELLULOSA NOBILE
per la produzione del
RAION e del FIOCCO
risolvendo così il proble-
ma delle fibre tessili artifi-
ciali dalla materia prima
al prodotto finito.



SNIA VISCOSA - VIA CERNAIA 8 - MILANO

**Sei minuti di viaggio in uno scenario avvincente
con la nuova funivia GORIZIA-MONTE SANTO**

Per i vostri pellegrinaggi al Santuario della Beata Vergine del Monte Santo, o per la visita ai Campi di Battaglia dell'Isonzo e del Carso, approfittate del rapido, comodo e sicuro mezzo di trasporto:

FUNIVIA DEL MONTE SANTO

S. A. Funivia del Monte Santo - GORIZIA - Via IX Agosto, 7 - Tel. 460

S.A. Ing. F. RIBI & C. - Gorizia

Telefono 619

Concessionaria della rete goriziana autoservizi

*Autoservizio regolare merci in collettame
da Udine per GORIZIA - Monfalcone -
TRIESTE e per qualunque località della
rete goriziana autoservizi.*

Preso e consegna a domicilio

Propria Agenzia a UDINE - Viale G. Leopardi 18 Tel. 207

An XXIV dal Strolìc Furlan

ORT E CUSINE

di guere

secònt i mès e lis stagiòns dal

1943

cun poesiis e stòriis di lei sot la nape

e cun dutis lis sagris de Furlanie

Societât Filològiche Furlane

Udin, 1942-XXI

1943

Calendari Civil

XXI-XXII E. F.

E son ricognossudis ai efiez civil chestis *fiestis* stabilidis di la Glésie: dutis lis domèniis - il prin dal an - la Pifanie (6 di zenâr) - Sant Josèf (19 di marz) - la Sense (pal '43 ai 3 di giugn) - il Corpus Domini (pal '43 ai 24 di giugn) - i sanz Pier e Pauli (29 di giugn) - l'Assunte (15 di avòst) - i Sanz (1 di novembar) - l'Imacolade (8 di dicembar) - Nadâl (25 di dicembar).

'E son *fiestis nazionâls*: Nadâl di Rome (21 di avrîl) - Fondazion dal Impero (9 di mai) - Statût e unitât d'Italie (prime domènie di giugn) - Marcie su Rome (28 di otubar) - Vitòrie dal 1918 (4 di novembar).

Tant de guere son sospindûz i efiez des *solenitâz civils*.

Calendari Ecclesiastic

Fiestis di precèt 'e son lis domèniis e lis altris fiestis religiosis dal Calendari civil. No son plui di precèt lis fiestis dai sanz Ermacore e Fortunât (12 di lui) patronos des archidiocesis di Udin e di Gurizze, e dai sanz Ilari e Tazian (16 di marz) patronos de citât di Gurizze.

Fiestis mòbils: SS. Nom di Gesù (3 di zenâr) - Sante Famme (12 di zenâr) - Setuagésime (21 di fevrâr) - Prin di Crésime (10 di marz) - Pasche (25 di avrîl) - Patrocini di S. Josèf (12 di mai) - La Sense (3 di giugn) - Lis Pentecuestis (13 di giugn) - SS. Trinitât (20 di giugn) - Corpus Domini (24 di giugn) - Gesù Crist Re (21 di novembar) - Prime domènie di Avènt (28 di novembar).

Rogazions: 31 di mai - 1 e 2 di giugn.

Eclis tal 1943

Chest an 'e saràn doi eclis di soreli e doi di lune.

Chei di soreli 'e colin: il prin totâl ai 4-5 di fevrâr, invisibil in Italie; il secònt il prin di avòst, ance chest invisibil in Italie.

Chei di lune: il prin, parzial, ai 20 di fevrâr (principi a 5 oris e 3 minûz; fin a 8 oris e 13 minûz); il secònt, parzial, ai 15 di avòst (principi a 18 oris e 59 minûz, fin a 21 oris e 58 minûz).

N.B. - Lis oris segnadis pai eclis, come pal jevâ e bonâ del soreli, si intindin chês solârs: par mètisi d'acordo cu' l'ore legâl bisugne puartâ indenànt di un'ore juste lis oris segnadis.

Ort e Cusine di guere

Dòngie e framiez des poesìis e des stòriis che lejarès sot la nape, in un momènt di padìn, il STROLIC dal '43 us dà qualchi sugerimènt sul mût di giavà plui prodòt dal uestri ort, e àncie qualchi consei a lis paronis par une cogarie econòmiche, come che i timps 'e domandin. Dovìn di chest ringraziâ la sioe Emilia Baldassarre di Udin che, cul so gran studi e cu' la so esperienze altretànt grande di fèmine di ciase, 'e à gentilmente scritis di pueste pa! STROLIC lis notis che ciatarès stampadis dapît di ogni mès, da zenâr a dicembar. Je, che à scrit, e no, che vin mitût dòngie, 'e sperin che i sugerimènz e i conseis 'e zovin a fâ nassi des buinis ideis tal ciâf des nestrìs paronis, che ogni dì 'e àn di bati la lune par contentâ umign e canae, fra mîl penis e pînsirs e mancianzis, che inevitabilmente il stât di guere al puarte. Ancie cheste podarà sei une pierûte di rinfuarz, magari la plui pizzule, par la resistenza dal paîs, intànt che i nestrìs so'dâz, o in tiare o in mar o in cîl, 'e scombatin par la fortune d' Italie.

Il ciant dal riclamât

1

Mandi, mame, ti saludi!
ài ciapât la cartuline,
si partis domàn matine,
tu par me no sta tramâ.

Dami nome une bussade,
un ritrât di puartâ vie,
no vai, no dîmi nle,
soi soldât e scugni lâ.

No disperâti,
sta salde, mame,
une gran flame
mi s'cialde il cûr.

Par chiste flame
la nestre stele
simpri plui biele
slûs e no mûr.

2

Due' sin pronz a la clamade
e ciantant anin in vuere
cui voi fls su la bandiere
vin di vinzi o di muri.

Pal valôr dai fanz l'Italie
doventade è grande e fuarte
duc' la orevin pûre e muarte
comò sfide ogni neml.

No disperâti,
sta salde mame ecc.

3

E co torni, tu às di viodi,
tornarai cu' la madae
che culi sul pêt par pae
mi varâ pontade il Re.

Ma se l'è il destin che 'o muri
e che resti ta batae,
mame, tu, la mé medae
'a tu puartarâs par nje.

No disperâti,
sta salde, mame ecc. ecc.

MARIA GIOITTI DEL MONACO

(musicade dal M.i D. Stular)

Zenâr

Il soreli si jeve es 7,46; al va a mont es 16,14

✠ 1	V	Circoncis. dal Signôr	15	V	s. Pauli prin eremît
2	S	s. Zoilo conf.	16	S	s. Tizian mart.
✠ 3	D	Ss. Nom di Gesh	✠ 17	D	s. Antoni abât
4	L	s. Tito vesc. <i>Muart de Reg. Margher.</i>	18	L	Cat. di s. Pieri a R.
5	M	s. Amelie verg.	19	M	s. Paulin d'Aquilee
✠ 6	M	Epifanie dal Sign. I. G.	20	M	ss. Fabian e Bast.
7	J	s. Lucian mart.	21	J	s. Agnês verg. m. L.P.
8	V	s. Severin vesc. <i>Nat. de Regine Eline</i>	22	V	s. Vizènz mart.
9	S	s. Giulian mart. <i>Muart di Vitt. Em. II</i>	23	S	s. Raimònt conf.
✠ 10	D	s. Guglielmo vesc.	✠ 24	D	s. Timòteo v. m.
11	L	s. Igino pape	25	L	Convers. di s. Pauli
12	M	s. Probo - ss. Famèe	26	M	s. Policàrp. vesc. m.
13	M	b. Leònzio vesc. P.Q.	27	M	s. Zuan Grisòst.
14	J	b. Durî di Pordenòn	28	J	s. Flavian mart.
			29	V	s. Franc. di Sales U.Q.
			30	S	s. Martine verg. m.
			✠ 31	D	s. Zuan Bosco conf.

ORT E CUSINE

L'ort di guere, nol è il solit ort che savin duc'. Cui c'al dis ort al pense a la salate e a lis verduris in sorte; ma in timp di guere, la tiare 'e devi produsi plui che pò, magari nò sol pe nestre famee ma àncie par chês altris. Si semenaràn patatis, cesaróns, pomodoros, cevole, bròcui, verzis, capûs, fasui, còcis, rås, etc. Soredût bisugne meti a bon ogni ritai di tiare, senze butà par ajar lis culturis plui importantis.

Incuintrànt des farcadizzis, pensait che convèn di rispietâ i farcs, sebèn che qualchi volte 'e uastin i semenâz, parcè che chestis besteutis 'e dan la ciazze a mil insèz, massime ai grisóns, a lis cozzatis (grillotalpa), ai viars di tiare e ai cùdi, che rapresentin la plui gran disgràzie di un ort.

Pensait dal rest che tal ort di guere si pò semenâ àncie qualchi plante di ornament, come il girasól, cartùfulis (topinambur), patatis americanis, rizzino, - plantis che puedin benòn cressi là che son dai uelds tra i fasui, lis patatis, la blave. E 'an giavarès un biel vantâz, sei cul contribuî a la produzion dal ueli (girasól, rizzino), sei par nudri il polâm (semenze di girasól, cartùfulis e lor fuels).

In chest mès, oltre che preparà la tiere cun ledàn stagionât (chel fresc al tache la mufe a lis lidris) e svangiàle fonde, si prepare qualchi *jet cialt* cun ledàn fresc di ciavàl e tieriz, e si semene qualchi verdure bonorive, àncie par trapiantà, riparant la jeche cun stuèriis o cun lastris di veri.

Par racuel in mai e giugn podès scomenzà a semenà tal ciamp cesaròns promiedis, cevòlis, savòrs.

Sarà ben di vè preparât vie pal an un bon *tieriz*, in une fonde dulà che si svuedin i vanzùns vegetai, il ledàn dai cunins, dal polàm, dai colòmps, dal purcit, messedant cun tiare, cialzine, cinise (di lens), cialin, plums, etc., e bagnant cun aghis di scola e di comut.

In ciase: bisugne tigni di voli il grum des patatis, mitudis cun cors di pae e riparadis dal lusôr e dal frêt, parcè che no inverdissin o s'inglazzin; - zontà aghe bulide tai vâs dulà che conservais i ûs in silicât (veri liquit), in mût che no restin discuiarz; - tornà a fâ boli lis marmeladis che fassessin mufis parsore, e zontà magari qualchi sedòn di zucar.

E in cusine, ce fâsie la parone?

Mignestròns cu' la côce: *Côce e patatis*: fat il pestât di ardiel, cevole e ai, si lu bute, cun pôcie aghe, in miez chilo còcis zalis scussadis e des patatis, zontant sal e pevar, e, par ultim, si cuein dentri dôs grampis di pastis curtis — *Côce e fasui*: cun miez chilo di fasui lessâz e 350 gr. di côce scussade e fate a bocognûz, si met dongie une mignestre di lecâsi i cêz, cun t'une sedòn di ueli, ai e fueis di sâlvie.

Cui no sâl fâ la *bruade* (*brovade*) cuinzade cul musêt? Se il beciâr, po, us varà dât un pôcie di ciar di ciastrât, tajaille a fetutis, e cuejeile cun t'un'ombre di gràs, mieze tazze di vin, blanc o meri, e dopo un quart d'ore preparait cul so tòcio une salse famose, zontant mieze cevole scaltride e cent grams di olivis verdis, senze il uès. Messedade la salse cu' la ciâr, si finis di cuei cun t'une gote di aghe.

Su lis *patatis lessis*, cialdis e tajadis a fetis, par sparagnà ueli, butait cul sal e pevar une tazze di lat bulint, e messedait dut cun saradelis o renghis netadis, tazzutadis insieme cun cent grams di cevolutis in asêt. Ancimò une gote di asêt e un fil apene di ueli, e varès un bon companadi.

E par contentà àncie i frûz golôs? Ciastinis, in dutis lis manieris (bueris, moncis, balotis); e patatis americanis cuetis tal for. Sparagnarès pan e polente a cene.

Fevrâr

Il soreli si jeve es 7,15; al va a mont es 16,45

1	L	s. Ignazi vesc. m.	16	M	s. Giuliane verg. m.
2	M	Purificazion di M.V.	17	M	ss. Martirs di Conc.
3	M	s. Blâs vesc. m.	18	J	s. Simeon vesc. m.
4	J	s. Andree Corsin	19	V	s. Giulian m.
5	V	s. Aghite verg. L.G.	20	S	s. Eleuteri m. L.P.
6	S	s. Tito vesc.	✠ 21	D	s. Massimian vesc.
✠ 7	D	s. Romualt ab.			<i>Setuagésime</i>
8	L	s. Juvenzi vesc.	22	L	s. Margarite di Cort.
9	M	s. Polònie verg. m.			Cat. di s. Pieri in A.
10	M	s. Scolâstiche verg.	23	M	s. Pieri Damian
11	J	Marie Ss. di Lourdes	24	M	s. Matie ap.
		<i>Tratât dal Laterân 1929</i>	25	J	s. Cesàri conf.
12	V	ss. Siet Fondat. P.Q.	26	V	s. Sandri vesc.
13	S	s. Fos'ce verg. m.	27	S	s. Gabriel de Dol. U.Q.
✠ 14	D	s. Valentin predi m.	✠ 28	D	s. Macari mart.
15	L	ss. Faustîn e Giovite			<i>Sessagésime</i>

ORT E CUSINE

San Bastian cu' la viole in man! O sin in fevrâr e jé l'ore di semenâ. «Semenâ tant e ben» al à dit il Duce; ma bisugne fâ i conz cu' la tiare, cu' la lune e cu' la semenze.

Vêso mai pensât a ce tanc' gragnei c'al puarte un gram di semenze? A savêlu ben si pô fâ economie, parzè c'al è di bant semenâ tant fis par vè plantis stentadis e tantis di no savê dulà mètilis. Messedait lis semenzis plui minudis cun t'un pôc di savolòn fin, parçè che si piardin nudis; e i batarès parsore un pôcie di tiare parçè che lis pàssaris e i colòmps no lis mangin.

In Fevrâr, mässime s'al è frêt, no us consei di plantâ patatis: lis ciaparessis sù dopo di chês semenadis in marz.

Une robe ricuardais ben: no stait mai a semenâ doi ains di file ché stesse robe t'un ciamp; dopo i cesaròns spietait almanco quatri ains, se no volês vè plantis maladis. L'è ben àncie di gambiâ ledàn: e cussi, dopo des verzis e de cicòrie, che sopuartin ben il ledàn spandût diretamentri, meteit cesaròns, fasul, cevolis, carotis, patatis, che invezzi 'e àn bisugne di tiare zà coltade. Di solit la règule 'e jé cheste:

a) Meti une volte plantis a lidris fondis e une volte plantis a lidris curtis.

b) Doprà: un an ledàn di stale (plantis cun tantis fueis); un an teriz, cialzine, etc. (râs, carotis, al); un an guano (concime chimico) (cesaròns, fasui, favis, pizzùì); ancimò un an guano e magari àncie un pòc di ledàn tes busis (còcis, melòns, e àncie pomodoros e melanzanis).

c) No meti mai di file des plantis de stesse famee, cun flòrs e fueis che si semein, come par esempi melanzanis, pomodoros o pevaròns.

In chest mès si plantin lis lidris di cren, si divit la jarbe dragone (peltri), si semenin l'al a spics, i capùs in ricès, lis carotis promèdiis, sot veri o in ricès sot un mûr, la verzerave (cavolo rapa), la cevole, il cevolin, dûtis lis qualitâz di salate, i cesaròns, i puârs, il lidric, i ravanèi.

Cirit àncie la semenze dal brocul chinês (cavolo Petsâi), c'al vignarà sù tenar e blanc come lis bledis di cueste o il lidric romàn in bârs, e c'al dure dut l'an.

Ma stait atenz che al è ancimò frêt, sebèn che «*a S. Valentin la glace tegni sù dome un gardelin*»!

Ce isal ué di gustà?

Volùz di brocul e ris: Sbuentait lis fueis di brocul e metellis sul tsir. Quant che vès fat un risòt in aghe e lat, cunzât magari con qualchi minùz di formadi e di salàm, metint une buine sedòn par fuee, involuzzait, leait e saurit bie! plane cu' la conserve di pomodoro.

Cunin cui càpars: Par fâlu ben bisugnarès giavà i uès al cunin, ma s'al è zovin, si po' àncie butâlu a tocùz. I uès 'e vadin tal brût cui savòrs e la cevòle. La ciâr si passe te farine, opùr, s'an vès, tal ùf e pan gratât e si scaltris cun pòc gras. Dopo, si bågñile cun t'une scudiele di asèt e cent grams di càpars tazzàs, fasint ristrenzi un pòc il sugo. Cussì si piart, s'and è, l'odòr di freschìn.

Pal vinars preparait la torte di patatis e bacalà. Par dis personis 'e bastin 500 grams di bacalà e un chilo di patatis lessis schizzadis. Il bacalà lessât e netât di spinis al va tazzât unmont fin e mitût insieme a lis patatis cun pòc lat e pòc ueli, sal, pevar, scusse di limòn gratade, savòrs pestâz, dós tre sedòns di farine e doi ùs. Si scialde un pòc di ueli te fersòrie e si fâs la torte ben coloride da dutis òs lis bandis.

Ai frùz dait come bombòn une bieie scudiele di ris cuèz in lat e aghe, cun parsòre une sedòn di marmelade.

E no savèso che àncie la polente cialde 'e jé buine cun t'un pòcie di marmelade parsore?

Marz

Il soreli si jeve es 6,32; al va a mont es 17,23

1	L	s. Albin vesc.	17	M	s. Patrizi vesc. T.
2	M	s. Simplici pape	18	J	s. Ciril vesc. dot.
3	M	s. Cunegonde imp.	✠ 19	V	s. Josèf sposo di M. T.
4	J	s. Lùzio pape	20	S	s. Teodosio m. T.
5	V	s. Casimir conf.	✠ 21	D	s. Benedèt ab. L.P.
6	S	ss. Perpètue e Fil. l.f.			<i>II dom. di Crèsime</i>
✠ 7	D	s. Tomàs di Aquin <i>Quinquagèsime</i>	22	L	s. Benvignût vesc.
8	L	s. Zuan di Dio c.	23	M	s. Fedèl mart. <i>Fondazion dei Fascios</i>
9	M	s. Francesche Rom.	24	M	s. Gabriel arcagnul
10	M	ss. Quarante Martìrs <i>Prin di Crèsime</i>	25	J	La Nunziade
11	J	s. Costantin conf.	26	V	s. Teodoro vesc.
12	V	s. Gregori p. dot.	27	S	s. Zuan Damascèn
13	S	s. Cristine v. m. P.Q.	✠ 28	D	s. Zuan di Capistran
✠ 14	D	s. Matilde regine <i>I dom. di Crèsime</i>			<i>III dom. di Crèsime</i>
15	L	s. Longin soldât	29	L	s. Secònt mart. U.Q.
16	M	ss. Ilari e Tazian <i>Patronos di Gurizze</i>	30	M	s. Quirin m.
			31	M	s. Benjamin m.

ORT E CUSINE

Marz sùt e avrìl bagnât: beât il vilàn c'al à semenât. In ches mèis continuait dutis lis sèminis di fevrâr sot veri o tal ciamp, secònt che va la stagion. Ricuardâisi che il lidric pes bëstiis al sedi abondant, parcè che ogni ortolàn al devì e al pò tigni dai cunins e almanco un'òcie, che son golòs di jarbis e di verduris scartis, e cussì 'e vegnin sù cun pòcie spese.

Stait biel atènz a scielzi il terèn: tignit l'arzile par lis plantis cu' la lidris lùngie, che no àn pòre dal sùt; i fasui di conservâ, lis linz, la spinaze di estât, lis cartúfulis meteiju in tiare sute; lis patatis, lis cevólis, il puâr, lis patatis americanis in tiare sciolte; lis melanzanis, i pevaróns, i melóns in tiare cialde che si puedi bagnâ; invezi pòcie aghe e tiare in rive tal soreli par lis verduris di unviar e di primevere (cesaróns promiedis, salate d'unviar, spinazis e cauliflòrs).

Cumò si semenin capùs, cudumars, melóns, pevaróns ta chês casselis che saràn resta'dis vueidis dopo che varès riplantadis in tiare lis violis doplis. Ancie i fasui bas bonorifs si

puedin semenà su di un grum di ledàn cialt; quant che varàn pòcis fuèis, ju traplantarès. La robe piés 'e jé la zulugne; e alore bisugne ogni sere cuviarzi di fueis, opùr di pae o di sàcs o di ciarte lis plantis che àn zà menât.

La lidris blâncie dolze o scorzònie blâncie (scorzobianca) 'e va plantade cumò al puest de lidris nere amare (scorzonera).

Cui c'al'à gole des freulis, al à un biel lavòr di fâ: chel di raventâ lis plantutis gnovis. Ma tignit a mens di meti plui tiare che podès es patatis. Lis patatis di semenze 'e van tignudis prime almanco quindis dis al lusôr, in mût di fâlis menà e diventâ verdís; 'e saràn plui buinis e bonorivis. Si capis che no bisugne scielzi chês masse gruessis (par no tajâlis), 'e àn di sei sanis, de stesse misure, cun t'un biel butul parsore. Si plantin in quadrât, a 40-50 cm. Se 'o sês in t'un luc umit e cialt, par no vè la spese e la seciade dal tratamènt cul sol-fato cuntri la peronòspere, meteit fasul invezzi di patatis.

Prime di semenà butait ance guano (concimi chimici) e faseit economie dome dulà che la tiare 'e jé coltade a zardin opur lassade a prât. Dutis lis plantis di odôr (timo, cevolin, mazorane, jarbe dragone e jarbe luisse) 'e van dividudis; e si fasin vermenis (talee) di osmarin e di sâlvie.

Viodin cumò de coghe.

'O sin in carnovâl e ven voe di pensà al dindi, al ciapòn e a la lujànie. Se no vès ueli, mia vès farine e volès fâ 900 grams di biscotins lizèrs e dilicâz, eco cà: messedait miez chilo di farine cun doi ùs, 40 grams di spòngie, o dôs-tre sedòns di pane di lat (àncle bolit), 120 grams di zùcar, marsale o graspe, scusse di limòn gratade, sal e une bustine di levàn in pòlvar. Lavorait e tirait la paste fine, tajànt a mieze lune cun t'une tazze e cuejeit i biscotins tal for cialt in cinc minûz. Insome, se une brave frutine 'e jude, in miez'ore al è dut finit.

'O sin in timp di crésime, vive il bacalà e lis renghis, se no vès pès di fâ in umit, come lis saradelis, senze ueli e dome cul pomodoro! Une ricete savoride: bacalà a la capucine: in t'une padiele large si fasin frizi cevole a fetinis, ai e ueli, e si mèt dòngie un pòc di pomodoro. Si mètli dentri il bacalà a tocùz, voltànlu planchin te salse; po cun' t'un pòcie di aghe si metin dòngie savòrs fins, pignui e ue sultanine. Cuejeit planchin par un'ore.

E la *brovade cui fasui*, ché de none, dutis la cognossès.

Pai frutins pizzui, s'o vès fics seciâz in ciase, faseint buli miez chilo, tajâz fins, cun miez litro di lat, scusse di limòn gratade e un pòcie di mil. 'O farès une marmelade squiside.

Avrîl

Il sorelli si jêve es 5,40; al va a mont es 18,20

1	J	s. Ugo vesc.	✠ 18	D	s. Galdin vesc.
2	V	s. Francès di Paule			<i>dom. des Palmis</i>
3	S	s. Ricardo vesc.	19	L	s. Leon IX pape
✠ 4	D	s. Isidoro vesc. L.G. <i>IV dom. di Crèsime</i>	20	M	s. Marzian predi L.P.
5	L	s. Vizènz Ferreri	21	M	s. Anselmo vesc. d. <i>Nadâl di Rome</i>
6	M	s. Sisto pape m.	22	J	ss. Sotèr e Caio mm.
7	M	s. Epifani vesc. m.	23	V	b. Eline Valentinis di Udin - s. Zorz
8	J	s. Dionis vesc.	24	S	s. Fedèl mart.
9	V	s. Demètri m.	✠ 25	D	Pasche di Resureziòn s. Marc evang.
✠ 10	S	s. Pompeo m.			<i>N. di G. Marconi 1874</i>
✠ 11	D	s. Leon I pape <i>domènie di Passiòn</i>	26	L	ss. Cleto e Marcellin
12	L	s. Zenòn vesc. P.Q.	27	M	s. Pieri Canis c. U.Q.
13	M	s. Gildo re	28	M	s. Pauli de Crôs
14	M	s. Justin mart.	29	J	s. Pieri mart.
15	J	s. Vitorin mart.	30	V	s. Caterine di Siene <i>Patrone d'Italie</i>
16	V	s. Calisto mart.			
17	S	s. Anicèt mart.			

ORT E CUSINE

E cumò vignin a fevelâ de lune. No jê une strambarie, parcè che la int studiade 'e à viodût che la lune 'e à davêr une buine influenze su lis plantis tant par vie dal lusôr che par vie de atrazon. Difât pal solit i brœui e i rås 'e van semenâz in cal di lune, te sèttime-undicésime zornade; il fenoli, lis carotis, il sèlino, il cardo tes ûltimis dôs-tre zornadis. Il parcè bisûgne cirilu tal cont des zornadis che la semenze 'e met a nassi. Ma dutis lis semenzis 'e àn la lôr regole. Tignît a mens che i capûs, i cudumars, la salate romane e la salate capusse, i melons e i rås 'i metin 5-7 dis; l'angûrie, i fasui, lis favis, la salate rizzote, il puâr, la valeriane, la côce 8-10 dis; lis erbetis, il basili, lis lînz, i cesarons, lis lidris neris, la spinaze, 8-15 dis; i cardos, i articiòcs, lis carotis, la ce-vôle, il fenoli, i savôrs, il sèlino 15-20 dis. Naturalmentri se lis semenzis si fasin smolâ ta l'aghe par quarantevòt ôris o ancîe mancûl, secònt che son pluî o mancûl secis, e dopo si fasin sujâ in ombrene, 'e nassin pluî prest. A quale profon-

ditât vâdino mitudis? Lis semenzis gruessis in busutis; chês des spinazis, des erbetis e des bledis 'e vadin cuviartis di tiare cun t'une zapadine lizere; chês plui pitininis 'e vadin cuviartis e batudis cul ristiell; chês plui minudinis si batin ben parsòre vie. Duncie, par la profunditât bisugne regolâsi secònt la grandezze; e tignarin i cesaróns plui in sù dai fasui; e i fasui plui in sù des favis. Al è miôr no semenâ su la tiare bagnade. Se qualchidùn al ûl fâ cressi di bessôl lis plantis di semenze, bisugne c'al si ricuardi di fâ lâ in semenze chês plui fuartis e di tignills lontanis da chês de stessee qualitât ma di un'altre famee (fasui bàs e fasui di racli; salate capusse e salate romane; verzis e râs; melóns e còcis etc.), par no vè semenzis bastardis.

Oltre i fasui bonorifs, viars la fin dal mès, si puedin semenâ âncie i brocolùz di Bruxelles (chei che fasin tanc' brocolùz ator de giambe e si cuein par ordin che si fasin), lis melanzanis, i pevaróns, i pomodoros (in buine esposizion di soreli, par trapiantâ a 60 cm.), il sèlino a cuestis e cu' la lidris, i coclms. Si mietin ancimò cesaróns, patatis, salate, râs, etc. Al è timp di meti almanco 30 cm. par 60 di tiare lizere su lis sparzínis vecis.

Al è âncie il mès di fâ guere ai cais e ai lacais, a lis fòrculis, ai puiz di tiare, a lis ruis dai bròcui e dai râs, ai scussóns che tain specialmentri lis plantis des freulis. Lis fòrculis si ciapin fasint come des trápulis cun bocóns di ciane mitûz d'ongie des plantis: di matine buinòre si sbatin jù lis béstilis sun t'un seglòt di aghe cialde. I scussóns ju ciaparès facilmentri plantant qualchi bâr di salate tra ls freulis: se une plantute si sècie tiraile fûr e 'i ciatarès sòt il scussòn. Cuintri i cais 'e servin ben i cròz, i riz, e lis tartarughis di mar, che netin l'ort in t'un lamp. Par copâ lis furmiis 'i ûl lissie di bol, o miei ancimò des schizzadis di solfuro di carbonio (atènz, c'al clape fuc), c'al còpe âncie i pedoi des lidris e i scussóns. Cun grumùz di sèmjule misturade a polvar dal diaul o Basif, o cun grumùz di Crusbar (che son po simpri la stessee midisine) si fâsiur guere a lis suris, a lis furmiis, ai zups e zupèz, ai gris, ai grisons e ai cais. Al è un polvar che nol fâs mâl ne ai polèz ne ai colòmps. Il Monital o il tabàc 'e vadin dâs sù par i pedoi des fueis. Lis tartarughis e i mardracs 'e son i piês nemis dai cais e dai viars.

Il mès di Avril al è il mès di dutis chês jerbutis che si plantin sui prâz, in lue des ortais. E cà in Friûl and è une

quantitât. Ardelût e confenòn, radrichesse, sgrisolò, ciandelutis, oregluce di jeur, lavazzût o lenghe di vâcje. Si fasin cuei in padiele o in salate.

Il ruseli, i urtizzòns, il blaudin, il sparc salvadi, si fasin come i spares di ort. Cui no cognòssial, po, la rùcule, la bärbe di frari, il sclopit, il litùm? O' sin in furlanie, 'e jé dute robe di ciase. I frùz 'e cognossin àncie la ciarline o buralze, che si scusse e che sa di articiòc; la brave parone 'e met in te salate lis rosis di cressò o rùcule di aghe, di beiòmini, di buraze (borrana), e cu' lis sòs fueis 'e fâs lis fritulis, come àncie cu' lis rosis di acazzie e di garoful di spine (rosa). Fin lis uainis dal arbul di Giude e' puèdin sei cuetis e mangiadis. 'E jé la stagion buine par fâ i mignestròns di verdure cun t'un pòc di pestât e un pugn di ris.

Un mût di fâ rionâ la ciâr senze doprà gràs. al è di fâ a fetis un grum di cevolis, mètigi parsore la ciâr cul sal, pevar, osmarin o timo, di taponâ l'antian in mût che nol passi il vapôr e cuelle planc par un'ore. Al ven fûr un tòcio famòs e ancimò 'e vès pront il contorno. 'E jé la stagion di fâ fertajutis econòmichis cun farine di ris o di patatis o di formènt (125 grams), miez litro di lat e aghe, doi ùs e sal (par sis personis). Lis fertajutis 'e van fatis lizeris, metint pòc gràs te fersòrie; e parsorevie si distindin o spinazis cuetis in padiele, o ciâr, o fiât di cunin cuet cun gràs e cevole e pestât fin. Po dopo si metin in t'une tècie dutis lis fertajutis, une parsore di ché altre, e formin une torte, che va cuviarte di conserve cialde ben taponade.

In timp di Pasche si à voe di fevelâ di cavrèt rost cu' lis patatinis, di ùs e di fujazze. Cirin alc di economic.

Torte jevade. - Faseit une paste mole cun 350 grams di farine, aghe clipe e 20 grams di levàn di bire. Quant che jé dopleade, sbateile ben cul mescul par 15 minúz, metèigi doi ùs, pòc sal dôs sedòns di zucar, une sedòn di spòngie sciolte. Butait dut in tun stamp slis e onzût, e si fàsile dopleâ ancimò une volte in tun puestût clip. Si cuei tal fôr ben cialt par miez'ore. Quant che la torte 'e jé frede ('e baste par dis di lór) tajaile a metât e jemplaille cu' la marmelade o cu' la creme, e spandeigi parsore une ciartute di zucar vanigliât. Cui ùs benediz e piturâz (ju fasès boli cun ciarte colorade, opûr i tacais parsore lis calcomanilis) si fâs biel il plat de torte, e alore.... mi pâr di sinti a sberlâ la canae: «Vive Pasche!».



PIERI ZORÙT

il Poete de Furlanie

nassût a Lonzàn dal 1792

muart a Udin dal 1867

Par ricuardâ PIERI ZORÙT

nassût za 150 - muart za 75 agn

La plovisine

Plovisine minudine,
lizerine,
tu vens jù cussì cidine
senze tons e senze lamps,
e tu dâs di bèvi al ciamps.

Plovisine fine fine,
lizerine,
bagne bagne un freghenin
l'ort del pûar contadin.
Senze te no mene nuje:
bagne bagne ché latuje,
bagne bagne chel radric
fin cumò tignûz a stic,
bagne l'ort del pûar om,
bagne il ciamp del galantòm.

Plovisine minudine,
sta lontàn di chel zardin
impastât cul mussulin.
Là i giacinz e i tulipâns,
cun ché ârie di sovrâns,
son sborfâz sere a matine:
no àn bisugne del to umôr.
za che ur baste il sborfadôr.

Pes ciarandis, pe campagne
plovisine bagne bagne;
'e ti spiete la viole
che à patit un pôc di sut;
si rafrès'cie, si console
a sintî chel umidût:

verGINELE de taviele,
senze il fum de l'ambizion,
jé modeste simpri e biele
là tal ruscli e l'urtizzòn.

Plovisine lizerine,
ven cun me cîa un'altre bande....
Une biele Tortorele
'e ti brame e ti domande:
vele, vele che ninine,
ché ninine benedete,
che saltuzze, che svolete,
fin che rive su la cime
di chel poul par jessi prime
a vigniti a saludà:
plovisine, ècole cà.

Ciale ciale ce che bale!
Si becòle, si spacòle;
cor al nît, 'e torne, 'e svolè,
stuarz il ciâf cun tante grâzie:
plovisine, ti ringrâzie.

Plovisine benedete,
vin bisugne dal to umôr;
pal to umôr la tiere tete,
la nature va in amôr.

Ciale il Gri, che in ciape nere
mîet il ciâf fûr de buchere,
e sot vôs 'a si dispòn
a ciatâ l'intonazion.

Là in chel folt, sun chel rojûz,
striscinît il Rusignûl
si tormentè, si lamente
che la biele no lu ûl.

Svole in alt la Lodulute,
ché cocute,
de Calandre in compagnie;
spant pal cîl un'armonie,
e co sint la gole arsîde
strenz lis alis, plombe abàs,
e si bagne la pîvide,
e pal prât fâs quatri pàs.

Imburide la Cislle
va in citât e torne in vile,
intrigade, che no sa
dulà mai che à di nida.

Plovisine benedete,
vin bisugne dal to umôr;
pal to umôr la tiare tete,
la nature va in amôr.

Su la cime di chel olm
sint la Dorde ce che zorne!
Ve la Pàssare dal colm
che a saltèz va su la gorne,
e piardinsi in comarèz
la finis cun un petèz.

In tel miez di chel sfuejât
jé la Razze cul Razzât:
'e ciacàrin, si svuatàrin,
van sot aghe, tornin fûr,
di morbin di dan daûr.

La campagne à muse gnove.
dis il Jeur, e fûr de cove
al si spache la pilizze,
ogni tant l'orele al spizze,
vie pal troi, su pal rivâl,
saltuzzànt e musiciant;
po al si scrofe in tal fossâl...
Plui nol svinte, nol nevee:
al ûl meti sù famee.

Il Pastôr, la Pastorele
van ciantànt la-fa-lu-le-le,
seneôs di olési ben,
àn bisugn di fâ dassèn.

Plovisine fine fine,
plovisine benedete,
vin bisugne del to umôr;
pal to umôr la tiare tete,
la nature va in amôr.

Primevere miorbinose
cul ciapiel colôr di rose
cor pai prâz e pes ciarandis,
viarz il bocul, slârgie il flôr,
fâs mazzèz e tiès ghirlandis,
pe coline e pe planure
'e sparnizze la verdure,
'e sparnizze il bon odôr.

Cenonè, dal oriënt
bavesele inocentine
'e svintùle la coline;
t'un momènt 'e rive al plan.
E scorsize pe taviele...
Plovisine, vele, vele!...
La montagne si serene,
il soreli al va a durmì;
salte fûr la lune plene
ven la gnot e mûr il di...
E in chest tant la bavesele
'e scorsize pe taviele...
Plovisine, vele, vele!
vele, vele che ti pie!
Plovisine, s'ciampe vie.

Plovisine fine fine,
lizerine,
torne prest, torne a ciatânus!
Plovisine, marcomandi
torne prest a rinfres'ciânus!
Plovisine, mandì! mandì!

PIERI ZORÛT

«La plovisine» di ZORÛT 'e jé stade mitude in mùsiche
(coro a quatri vôs, piano e armonio) dal maèstri TITE COSSËT,
ciargnèl.

M a i

Il soreli si jeve es 4,53; al va a mont es 19,07

1	S	ss. Filip e Jacum ap.	15	S	s. Zuan B. de La S.
✠ 2	D	s. Atanasi vesc. <i>domènie in Albis</i>	✠ 16	D	s. Ubalt vesc.
3	L	Invenz. de S. Crôs	17	L	s. Pascâl Baylon c.
4	M	s. Gotàrt vesc. L.G.	18	M	s. Venanzi m.
5	M	s. Florean mart.	19	M	s. Pieri Celestin I.P.
6	J	s. Zuan e' Puarte Lat.	20	J	s. Bernardin di S.
7	V	s. Stanislao vesc.	21	V	s. Valènt vesc. m.
8	S	Apariz. di S. Michêl	✠ 22	S	s. Emilio m.
✠ 9	D	s. Gregori Nazianz. <i>Fieste da l'Impero</i>	✠ 23	D	s. Desideri vesc.
10	L	s. Antonin vesc.	24	L	ss. Donaz. e Rogaz.
11	M	s. Franc. di Jaronis	25	M	s. Grivor VII p.
12	M	s. Pancrazi m. P.Q.	26	M	s. Filip Neri c. U.Q.
13	J	s. Robèrt Belarm. <i>Patrocini di s. Josêf</i>	27	J	s. Bede dotor
14	V	s. Bonifazi m.	28	V	s. Gustin vesc.
			29	S	s. Marie M. de P.
			✠ 30	D	s. Filiz pape
			31	L	ss. Canziàn, 40m.d'A.

ORT E CUSINE

Al è tornât il soreli cialdût e, tra une passade e ché altre di ploe, 'e ridin i flôrs e lis primis pomis dal ort. Vêso mitude la pae sot des freulis, parcè che no si sporcin di tiare? Vêso giavâz i fioi?

Il lavôr plui grant tal ort al è di sapâ, ristielâ, sborfâ, rari e, plui di dut, traplantâ. Si riplante, pal solit, sot sere, quant che il soreli nol bruse, in une zornade senze ajar, cul cil di ploe o cuviart. Magari par un pôs di dîs si pô taponâ lis plantutis cun ciarte e fueis gruessis (âncie di brôcul), cun vâs rivoltâz, parcè che no si secin, sborfanlis cun judizi e stant atènz che la tiare 'e sedi stade ben fracâde tôr des lidris, lassant atôr de giambe un pôc di puest in mût che l'aghe e puedi fermâsi e penetrâ. Qualchi volte al convèn âncie spontâ un pôc lis lidris e lis fueis par fâlis cressi miôr.

Lis plantis che si slungin unmont e che fasin tantis fueis, metêlis in filâr da misdi a tramontane, parzè che ciapin soreli di ogni bande; e chês pizzulis plantailis a sterp falit, parcè che di ogni bande vepin lûs e ajar. Stait âncie atènz di fâ lis cumieris ta stesse direzion, in mût che l'aghe 'e

puedi scori in dutis jentrànt di une bande sole, senze vè bisugne di zirà cul sborfadôr o cu' la pompe. E al sarà miei se sarà aghe di ploe o aghe lassade scialdà tal soreli e se si sborfarà a buin'ore o pal fresc de sere. Di solit lis plantis 'e son di raventà quant che àn 3-4 fueis e son altis 10 cm.

Tal riplantà e tal semenà si puedin àncie cumbinà insieme utilmentri diviarsis qualitaz di verdure. Cardos, spinaze, salate e ravanei si semenin insieme.

Capûs, pomodoros, carotis, indivie: ogni tre riis di capûs bisugne lassànt une vueide par meti i pomodoros. In mai, fra miez dai capûs si semènin a filis lis carotis par setembar.

Fasui e sèlino: semenait lis uainis su dos filis e te cunière di miezz il sèlino par l'unviâr. Al puest des uainis si podaràn meti i capûs o i rås o lis verzeravis.

Pomodoros, cevole, spinaze, latuje: meteit des filis di cevolis e semenait la spinaze e la latuje tra i filàrs dai pomodoros.

Verzis e latuje: la latuje 'e va mitude tra i filàrs e tra plante e plante. Cussì si cumbinaràn insieme pomodoros e bròcui, cardos e fasui, cauliflòrs, latuje e ravanei.

'E jé àncie ore di proviodi i raclis pai pomodoros, fasui e cesaróns. Si scomenze a semenà par l'autùn e l'unviâr: cardos, bròcui, ratì, fasui, melóns, angùrie, vèrzis, còcis, puàrs.

Dopo il 15 dal mîes pensait ai cauliflòrs (cavolifiori). De spinaze semenade si tire fur pôc, parcè che va in semenze. Clrit lis semenzis dai redrèps (tetragònia o spinaze di citât), che si semène àncie a filàrs e che stente a lâ in semenze; e chês di *atreplíce* (spinaze che còr).

Si plàntin cumò àncie lis menadis de patate americane dolze; si dà il sal a lis plantis zà zapadis, ai rås, a dutis chês che àn unmonte di fuee. Ricuardàisi àncie che s'al vanze un pôc dal solfato des viz, convèn di dâlu àncie ai pomodoros, a lis patatis, ai fasui, ai melóns, che patissin de stesse malatie.

E cumò 'e jé l'ore di entrà in cusine.

Vèso mai fatis lis patatis cul plen? Si disvuedin, dopo speladis, come par fà un rit e si mètigi dentri la ciâr vanzade, tazzade fine, cun qualchi tocùt di formadi «Roma» o di latarle, un pôc di cevolins e di savòrs. Si fasin cùei in padiele cun t'un pôc di gràs e si bagnin in ultim cun t'une buine conserve di pomodoro.

Par fà lis verduris in salate cun economie, cuetis o crudis, faseit cussì: disfait in t'une scudiele un ròs di ùf dūr cun sal, pevar, mieze tazze di asèt, une tazze di lat, e. se us plàs, un pòcie di mostarde. Cun cent grams di ulivis verdìs o neris, senze ues, tazzadis, faseit boli 10 minùz cun un quart di aghe e un quart di asèt, dōs sedóns di farine e quatri sedóns di ueli, che fasin plui di miez litro di buine cuinze. Flui sempliz ancimò al è di sbati un ròs di ùf cun t'une sedòn di mostarde, slungiànt cun 400 grams di aghe bulide, frede e cun 75 grams di ueli. Si ten in une butiglie e volte par volte si zonte il sal e l'asèt che ocorin. Bisugne sbati il veri prime di doprà la cuinze.

Ricuardaisi simpri, tal cuei lis verduris, che al è dut bon di lōr. Ancie l'aghe dulà che lis vès fatìs boli 'e jé buine dopo par la mignestre o pal tòcio. Cui tors di brocul, speláz e buliz insieme cun carotis, scussis di cesaróns, fueis di ravanei, di erbetis, di rās, dūt passàt, si fàs une mignestre savuride e sane.

No stait mai a lavà lis patatis dopo speladis par no fàur piardi la sostanze che jé te lōr farine (ché che fàs diventá blàncie l'aghe di lavadure). Lavailis prime di spelàlis e lis scussis 'e serviràn, cuetis o crudis, par lis béstils. Par la canae fasin un *budin di fics secs*. In un litro di aghe faseit bull 50 grams di mil (2 sedóns), 200 grams di fics secs. Dopo miez'ore i fics 'e van scoláz, tajáz a tocùz, bagnáz cun dōs sedóns di rum o di graspe e mitùz insieme cun t'un pòcie di ue sultanine e qualchi còcule tajade fine. Da l'aghe dai fics, slungiade, si fàs un risòt cun 150 grams di ris, e po lu mes-sedais cui fics cun t'un ùf e un blànc sbatùt. Si cuei par $\frac{3}{4}$ d'ore dentri di un stamp di budin in une pignate di aghe bullint. Si pò ance guarnilu di marmelade cialde.

*No val vivi se alc
no val plui de vite*

La biciclete

L'inventôr de biciclete
mertarès un monumènt
plui grandîos de mont Cianine,
chel benefatôr sapient.

Il vapôr, la ferovie,
l'automobil, l'aeroplân:
dûtis invenzions supiarbis,
tapis dal progrès umàn.

Ma la sante biciclete
jé di dûtis superiôr:
jé la màchine dal popul,
dal plui umil al plui siôr.

Invenzion genial, stupende,
un modèl di perfezion:
dal famôs che l'à intiivade,
cui ricuàrdie plui il non?

Combinadis son in file
dôs rauèdis di metâl;
sù si sinte la persone
e cui pîs frache il pedâl.

Om e màchine li insieme
son motôr e volontât,
une robe sole formin,
un inzèn, c'al è animât.

Chesc' pinsirs in ment mi zirin,
contemplànt il movimènt,
il viavai des bicicletis
che nol ferme un sol momènt!

Svelte, mòbile, lizere
sbrisse, passe dapardût,
silenziose, simpri pronte
pal biel timp come pal brut.

Cui no' vâdie in biciclete?
Di ogni etàt e condizion,
umin fêminis ti filin
ognidùn pe so rasòn.

Frûz e frutis par lâ a scuele,
par lâ a vore l'artesan,
contadîns, scrivànz e predis,
due' la dòprin come il pan.

Miez ch'al serf par ogni usanze,
âncie par lâ a fâ l'amôr.
Il biel sès cun gust la impieghè
e la giolt cun ver fervôr.

Lis *valchiris* saetavin
sui ciavai, fiarbinz, estrôs:
svolin ué in biciclete,
galañdinis, cul morôs.

Necessarie, indispensabil
come l'arie e il nudrimènt,
di ogni classe rice o puore,
l'è il plui util furnimènt.

Giugn

Il soreli si jeve es 4,19; al va a mont es 19,41

1	M	s. Fermo m.	R	14	L	s. Basili vesc. dot.
2	M	s. Marcellin e C. R.L.G.		15	M	ss. Filiz e Fortunât
		<i>M. di Garibaldi (1882)</i>		16	M	s. Laure mart. T
✠ 3	J	La Sense		17	J	s. Cirjache m.
		s. Clotilde regine		18	V	s. Efrem dot. T L.P.
4	V	s. Francèsc Caracc.		19	S	ss. Gervâs e Protâs T
5	S	s. Bonifazi vesc.	✠ 20	D		La Ss. Trinitât
✠ 6	D	b. Beltrâm pat. d'Aq.		21	L	s. Vigi Gonzaghe
		<i>Fieste dal Statût (1861)</i>		22	M	s. Nicete di Aquilee
7	L	s. Roberto ab.		23	M	s. Zenòn mart.
8	M	s. Elisabete verg.	✠ 24	J		Corpus Domini U.Q.
9	M	ss. Prin e Filizian				s. Zuàn Batiste
10	J	s. Margarite regine		25	V	s. Pròspar vesc.
		<i>Zornade de Marine</i>		26	S	ss. Zuan e Pàuli mm.
11	V	s. Bàrnabe ap. P.Q.	✠ 27	D		s. Iadislao re
12	S	ss. Basilide e C.		28	L	s. Ireneo vesc.
✠ 13	D	Lis Pentecuestis	✠ 29	M		ss. Pieri e Pàuli ap.
		s. Antoni di Padue	30	M		Comemor. di s. Pauli

ORT E CUSINE

Dopo tant semenâ e traplantâ qualchidùn al dirà che l'ortolân che 'i à vindude la semenze lu à imbrojât, che la semenze 'e jere dute tiare e fueis secis, vâs'cie e vècie. Al pò àncie stâi; e il rimiedi par un altri an l'è simpri chel di imparâ a fâ di bessoi. 'E jé vere che lis semenzis no durin buinis in eterno, cun dut che chês dai codûmars e de cicòrie 'e restin sanis àncie par dis agns. Chês che resistin manco (cirche 2 ains) 'e son chês de cevòle e dal lidric neri. A 3 ains 'e rivin tantis: fasui, mazorane, cesaróns, puâr, savòrs; a 4-5 ains carotis, bròcui, fenoli, salate, linz, melòn, pevaróns, pomodoro, râs, ravanei, rùcule, spinaze, valeriane. Lis côcis 'e durin fin a sis ains come lis erbetis, la spinaz di estât, lis bledis, i articiòes, l'angùrie, lis favis e lis melauzanis.

Lis semenzis di basili, di sèlino, di capûs e di cicòrie 'e rivin fin a vot agn. E cumò, prime di di che une semenze 'e jé vècie, pensaigi sù e, al câs, daigi une tamesade e une lavade par scielzi miei, come quant che si butin in pignate i cesaróns o i fasui.

Za c'al scomienze a fâ cialt bisugne sistemâsi ben par sborfâ, prime di dut par no piardi masse timp, e po par no fâ plui mal che ben. L'è miôr sborfâ di rar, ma tant. Bisugne che l'aghe 'e rivi fin tes lidris; ma se jé masse 'e farâ cressi plui lis fueis, che nò i flors e lis pomis. Miei di dût al è di fâ cori l'aghe pes cumieris. Dal rest ogni plante 'e à lis sôs necessitâz, e bisugne stâ atênz. Al sarès ben doprà aghe plovane, ciapade e conservade in botis interadis, par miez di gornis che vegnin dai cops, opùr aghe di vasche; no stait mai a doprà aghe glazzade, che fermarès il svilupâsi des plantis. Ricuardaisi che d'istât une buine saride o sapinade 'e val come une buine sborfade; e che un pôcie di pae o di fueis sul terèn 'e judin a tignî frès'cis lis plantutis ancie sot il soreli.

In chest mès si dà sù la tiare a lis patatis, si sapin i capûs e lis plantutis za svllupadis e si srarissin lis verduris semenadis in mai.

Melóns e angûriis 'e uelin cimâz quant che àn 5 fueis: si'n lasse dome dôs parsore a chês de semenze. Lis dôs menadis che nassaràn si tajaràn a tre grops e si continue cussì par 4-5 voltis. Su lis feridis butait un pôcie di tiare o di cinise, parzè che si siarin. Lassait pôcis pomis su di ogni plante par che vegnin plui gruessis. Ance ai codûmars si pò fâ l'istès lavôr; e ricuardaisi che il solfato ju salve de malatie.

Al pomodoro, dopo 3 setemanis c'al è semenât. si lassin dome dos giâmbis e si lein ai raclis, e quant che si son formadis lis pomis, si spontin ad alt. Tirait vie duc' i fioi par rinfuarzâ lis plantis.

Par racuei in autùn e in unviar semenarès in chest mès fasui, bròcui di flôr, bròcui cinquantins, côcis, lidric, salate, etc.

La coghe in cusine 'e jé indafarade a meti alc in asêt, e a fâ seciâ, dopo vêju scotâz ta l'aghe e sal, i articiòcs pizzui, lis sidelis di articiòc e lis uainis di fasui, impirant su di un spâli e metint in soreli.

Si secin lis jarbis di odôr prime che flurissin, piciadis a mazzèz te ombrene opùr sfuejadis, come i savòrs. Ancie la verdure par i mignestróns, fate a fetinis, si suje tal fôr o tal soreli (come i milûz o i fics), e si met vie in vâs di vèri ben siarâz, opùr in sacûz di celofàn. Il cevolin si scote in aghe, asêt e sal, e disfredât sun t'une canevasze, si met sòt asêt come c'o fasès pes uainis; dômie che l'asêt dal cevollin al vâ cambiât almanco dôs voltis.

I pevaróns e i codùmars pizzui si suin un pòc tal soreli e si cuviarzin cun t'un litro di asèt e une sedòn di sal, ti-gninju sòt cun qualchi stecùt. Quasi dutis lis pomis verdís e pizzulis 'e son buinis, par conservá cussì, dopo di vélis sco-tadis (àncie lis panolutis blancis di blave).

Se 'o vès in ciase un pòcie di scuete si fasin 'lis polpetis di spinaze, che tajarès fine e messedarès cun un ùf, farine, sal, formadi. Lessarès lis polpetis in aghe e sal; e quant che vegnin sù, disgotailis e cuinzailis cun tòcio e un pòc di spòn-zie. Lis cociutis e lis patatis, oltre che fâlis in padiele, si puedin fridi cun pòc gràs e cuinzâlis cun asèt e ai. Pes cociutis sta ben àncie qualchi fuee di mente. Pes bledis di cueste si distachin lis cuestis de fuee. Lis fueis si fasin in mignestre, in padiele o in salate. Invezzi lis cuestis si lessin, si cuein in padiele cun spòn-gie e lat, mitint dòngie par ultim un ùf sbatùt cul limòn. Si capis che cun ogni qualitât di verdure si puedin fâ de fertais di *ripiego* cun qualchi patate schizzade e un ninin di formadi dòngie de verdure tazzade fine. Se vès qualchi bieles cevoles blàn-cie, cuejeile a miez, giavait fûr il cûr e jemplaille cun qualun-que rusumui insieme cun patatis lessadis, tocùz di salàm o di formadi, o risòt; e finit di cueille in fôr o in salse di pomodoro.

Volèso un bombòn pai frùz? Zariesis cuetis t'un scilp di vin, zucar e canele, mitudis sui ris cuez o su la polente o sun t'une fetute di pan brustulit.

Ancie dôs zariesis in aghe di vite o conservadis tal liquor cun cane e brucis di garoful, no staràn mal al nono par l'un-viâr.

Società Filologica Friulana

Fondata a Gorizia nel 1919

Ente morale per R. D. 7 agosto 1936 - XV, n. 1615

PIAZZA VENERIO 1 A - UDINE

Associazione annua L. 20.—, decennale L. 150.—, vitalizia L. 200.—, perpetua L. 500.—. Tutti gli associati in regola con le quote hanno diritto al Bollettino bimestrale (*Ce fastu?*), allo *Strolic furlàn* e, per una volta tanto, alla scelta d'alcuni libri ed altre pubblicazioni in dono per un prezzo di copertina di otto lire.

Ogni socio ci procuri l'adesione di nuovi soci

Ogni socio ci richieda le pubblicazioni in dono

La mont di Migea

Ogni luc de furlanie
l'ûl contà par alc al mont:
al è just che ancje Migea
sei supiarbe de so mont.

Isolade te planure
come un cret tal miez dal mar,
sintinele jé avanzade
dal Friul nestri tant ciar.

A Migea chest pôc di alture,
par braûre, 'e clamin mont
e no esist par lor montagne
che gi puedi stâ di front.

E di amôr i voi ur slusin
quan' che ur fevelais di je:
se ur laudassis la morose
no ur faressis plui plasé.

Se po càpite a Migea
un forèst o qualchi ami,
prime robe, lu compagnin
su la mont a diverti.

E gi mostrin Santantoni,
la glesiate là tai pins,
la busate, la clapigne
e la grote dai mos'cins.

Sore dut il panorame,
che a di il ver, al è stupènt:
i! Friul duquant l'abrazze,
e confin l'è il firmamènt.

Lis montagnis cristalinis,
là parsore fan cornis
a la verde gran planure
sparnizzade di pais.

A miezdi, de l'altre bande,
fin al mar si slungie il plan...
Aquilee, la lagune...
e po il mar fin a Piràn.

Inciantât di une tal viste,
il forèst al bat lis mans,
al capis e fuart l'aprove
l'ambizion dai paisàns.

I abitanz de vicinanze:
Viarse, Chiopris cun Viscòn,
e Marian, Romàns... la cialin
cun invidie, ...e àn resòn!

Lor al sant opur a Pasche,
van a trupis lassù in alt:
par che uelin ocupàle
e che vadin a l'assàlt.

Ma a Migea, alore 'a lassin
che si sfoghin fin in font,
contentóns che tant 'a plasi,
tant si brami la lor mont.

Ma la mont à il so misteri,
lu san pôs: à i siei amànz
che ogni dì van sù a ciatàle,
e la adorin come sanz.

Il cidin de so pinede,
lor 'a cirin nemoràz,
la plui pure poesie
gioldin lenti infervoràz.

De to mont tu pus vantâti,
sì, Migea, miò dolz pais,
de to mont che jé tant biele,
ver ciantòn di Paradis

L u i

Il soreli si jeve es 4,14; al va a mont es 19,46

1	J	Preziôs Sanc di Gesù	16	V	Madone dal Cârmini
2	V	Visite di M. V. L.G.	17	S	s. Alessio conf. I.P.
3	S	s. Eliodoro di Altin	18	D	s. Camil de Lellis
✠ 4	D	s. Uldari vesc.	19	L	s. Vizenz de Paoli c.
5	L	s. Filumene m.	20	M	s. Margarite v. m.
6	M	s. Isaie profete	21	M	s. Prâsedede mart.
7	M	ss. Ciril e Metodi	22	J	s. Marie Madal. pen.
8	J	s. Lisabete regine	23	V	s. Apolinar vesc. m.
9	V	s. Letizie verg.	24	S	s. Cristine v. m. U.Q.
10	S	ss. Filiz e fradis P.Q.	✠ 25	D	s. Jacum ap.
✠ 11	D	s. Pio I p. di Aquilee	26	L	s. Ane mari de Mad.
12	L	ss. Macôr e Fortunât <i>Patronos di Aquilee, Udin e di dut il Friul</i>	27	M	s. Pantaleôn m.
13	M	Ded. Basiliche di Aq.	28	M	ss. Nazari e Celso
14	M	s. Bonaventure v. d.	29	J	s. Marte verg. <i>Muart di Umberto I</i>
15	J	s. Rico imper.	30	V	ss. Abdon e Sennen
			31	S	s. Ignazi di Lojole

ORT E CUSINE

Une economie, che forsi qualchidùn di voaltris le sa za: si ciapin sù, da mai a lui lis patatis gnovis, senze giavâ lis plantis: si discuviarzin cun t'un sapin senze ufindi lis lidris e si giavin cu' la man lis patatis plui gruessis, lassant chês altris a finî di madresci. Cu' lis malis jarbis no bisugne vè remission. Bisugne dislidrisâlis prime che flurissin; se no si pò fâ altri tajâlis, opur distrùzilis cu' la mixture di cialzine e solfato o con t'un «erbicida» («Uro» o altris), stant ben atenz di tignisi lontâns 15 cm. da lis lidris del plantis buinis, par no copâlis.

S'al è ancimò prest par semenâ salate d'unviâr e ché di estât 'e file za, ce fasino? Si semene la salade bionde a riis e si tegnin raris lis plantis.

Par vè il puâr blanc (*plui bon* parzè c'al è plui ténar e no si strassin tantis fueis verdis), bisugne semenâlu in busutis, cuviârzilu di tiare un pòc par volte, e di man in man c'al crès, dâi sù ancimò tiare. Ancie il sèlino a cuestis al ûl tratât cussi, invezzi il sèlino-rave no si tapônîlu di tiare.

Spezialmentri cumò ricuardaisi la maniere di vè buinis semenzis: scielzeit lis plantis e lis pomis plui bielis opur semenait i strops apueste.

In chest mès bisugne sborfâ matine e sere par vê un biel ort; zoncïait i fioi dal pomodoro, dai melôns, codûmars, melanzanis, pevaróns e freulis. S'o vès articiòcs tajait lis giambis sfluridis. Al e ceve si lein in strezze e si picin, dopo di vèju tignûz doi dis in soreli. Se tal ort 'o vès i cardos, 'e jé ore di leāju, di dâur sù ben la tiare, e po disleāju di gnûf. A lis cevolis, quasi maduris, si stuarzin lis giambis par fâlis ingruessâ senze che florissin.

Si trapiantîn verzis, brôcui, brôcui-râve, sèlino, cicòrie, sca-ròle e indivie. Si semenin ancimò fasui di uainis, carotis, promèdiis, brôcui cinquantins, indivie e cesaróns par novembar.

In cusine, prime di mètisi a fâ di mangiâ, liberinsi des mos'cis! Faseit une misture di miez chilo di melasse, 10 grams di lat e 5 di *arsenito di sodio* (velenôs); slungiaile cun miez litro di aghe; e dopo di vê ben messedât, cu' la pompe des vis sborfâit il ledamâr, lis plantis a fuee dure dongie la clase (simprivert, bôs, leandro, magnòlie, bàciare (ligustro), èdare etc.). Al è àncie ben di piciâ qualchi fràs'cie za sborfade sot i balcôns o su lis puartis o parsore dal lusôr, ma simpri lontân des mans dai frûz. Bagnait di spès lis fueis e viodarès a muri dutis lis mos'cis che si poin parsore. 'E jé buine àncie le « Miafonine Berlese » che si ten in t'un ciadin piciât ad alt. fûr de puarte de stale, dal ciôt e dal gialinâr, ma mitût in maniere che nissune bèstie dumièstie 'e puedi lâ a bevi il liquit, parzè che murirès velenade.

Melanzanis cul riplèn. Se vès formadi, spelait lis melanzanis e tajailis a fetis tarondis, gruësis $\frac{1}{2}$ cm.; butailis in aghe e asêt parzè che no diventin neris. Gratait il formadi e faseit un impàst cun t'un ùf, savôrs pestâz e une fuee di odôr. Sujait lis fetutis, e metellis a dôs a dôs cul riplen tal miez. Si fassin tal ùf e tal pan gratât e si frizin t'un pôc di gràs. Se volès fâ une figurone, cuviarzellis di salse di pomodoro. Lis melanzanis si fasin in fonghêt, ma son buinis àncie lessis (in aghe o tal fôr), cuinzâdis in salate cun fueis di mente e cun ai, senze bisugne di spelâlis. Cunt'une canele di late o un curtissût ben uzzât, giavait il cûr a lis cozzutis par lunc (come che si fâs par l'angûrie), emplâillis cun ciar pestade, pan gratât, formadi o risôt, frizeillis e cuviarzellis di salse. Cui ris si jemplin àncie i miez pomodoros, svuedâz des semenzis e cuèz tal fôr cun pôc ueli. Cussi si fâs àncie pai pevaróns, quant che son ancimò crûz, giavànt prime lis semenzis, che bèchin.

Il bisât al è squisit cuet senze gràs, ma insieme cun jarbis di odôr tazzadis finis, infarinât, bagnât cul vin blanc e cuinzât di sal e pevar. Si zonte mieze sedòn di conserve e si cueilu a padiele taponade. Il gût si fâs in umit te stesse maniere; lis saradelis, giavade la spine, si metin in padiele, e si cuinzin cun t'un fil di ueli, asêt, pevar, mazorane seciade e al. Tal cueisi 'e bûtin fûr un sugo che bisugne fâ sujâ un pôc.

Se tal ort 'e vês unmontis di pomis, cun chês avonde dolzis podês fâ une paste passanlis crudis (dopo vêlis s'cialdadis) pal tamês, senze uès. Po la paste la farês induri aplanc aplanc. un pôc sul fuc e un pôc al soreli e par ultin tal fôr, distindude su plâz o su ciarte. Si fâs cussi cui piârsui, armelins, êmui dolz, milûz ben madûrs. Lis pomis se son duris 'e vadin s'cialdadis tal fôr, in mût di podêlis passâ pal tamês. In autûn, co varês la ûe, 'e impaarrês a fâ il sugo dolz e penz par sostituì il zucar.

Ai bains

Ogni instât co ven l'arsure
in zitât, si sa, nol dure
a la lûngie che, puarèt,
nome chel che l'è costret
di restâ
par sgobâ.
Ma, si sa,
se la borse 'a no jé flape,
cul prin cialt ognûn si clape
sù e po vie a torzèon
a zirisi un biel cianton,
un tucût di paradîs
par passâ chei quatri dis
frescs, in pâs e libertât,
chel che mance cà in zitât.
In chisc' mès cussi ogni an
cui va dôngie e cui lontân,
cui va ai bains e cui in montagne,
chist zir boscs e chel campagne,
'gnun daûr da so nature
sielz la so vilegiature.

E cussì agne Gisele
biel zidin in chetichele
'a jé lade a fâ la la cure,
e par so vilegiature
'e à sielzût i bains di Grau.
Cul ciapiel ben sul zerneli,
sta a rostisi tal soreli,
ten si 'l ciâf, si sa, ta ombrene,
ma la schene,
pêt e giambis, brâz e cuel
e dut chel
che à tignût
scoviarzût
al è rôs e brustulât
e spelât.

Je, beade,
stravacade
su chel jet di savalòn
cul nâs rôs, un pevaròn,
sta cujete là a sudâ,
sa che ben 'i fasarà,
Nomie un pôc 'i fâs la fote
che di gnot la piel 'a scote
e i mussóns
a gi molin tanc' becóns.
Biel stant là sul savalòn
a brusâsi a prescrizion,
bute in cà e in là la ociade
e ti pete la ridade.
Po, Signôr e ze spetâcui,
ze merâcui!
Là cun dute ché samenze
di int foreste, po àncie senze
vê tristérie,
spès, si sa, no pol stâ série.
'Nemorâz dal nestri mar
biel e clar
son vignûz a fâ la cure
o àncie in zêrcie di aventure.
E si'n viôt frutatis biellis
come stelis;
ma son àncie di chês talis

che, a cialâlis,
senze nie vê tal stomit
'a ti fasin vigni gomit.
Son di chês come fusetis
tant ben fatis, bielîs, dretis
che, a di' l' just,
a cialâlis al è un gust;
ma son chês po che àn lis giambis
come troncs o stecs o strambis
o pelosis,
gropolosis
cu' lis venis, o tant sutis....
Plui lis mostrin se son brutis....

Oh vê là che grasse bionde
ze che ulche,
ze che ciche,
quant che un'onde
la sclipigne.
No si sa se rit o frigne.
Là, viodèt mo, che todès'cie
cun chel grum di früz atòr.
Dio, Signôr,
ché, co l'aghe 'a jé trop frès'cie
'a ti sberle: - Ach du, mein Gott!
Ach, wie kalt, mein Gott, wie kalt! -
'A jé frès'cie e sberle « cialt »,
à lì l'aghe e orès vê il gòt!
Dio, ze mont,
si capis che l'è torènt!

Velu là chel siôr sglonfòn
cu' la muse di sclopòn,
l'è vignût za in primevere;
l'è che 'l ven za tanc' tanc' ains
par podê fâ i so zent bains.
Dut il di, matine e sere,
simpri al è in stabilimènt
come a ciase so e contènt
distiràt in su la tripe
al si fume la so pipe.

Frùz e frutis 'a slapagnin,
fan i zûcs cu' lis barciutis,
ridin, sberlin e si bagnin
sclepignànt cu' lis manutis.
E jù ulcs e züladis
par che l'aghe 'a sa di sal!
Ziartis sioris ben rizzadis,
sbeletadis
van ta l'aghe come al bal
cun mil fotis.
Ziartis altris
squasi crotis
mostrin trop o mostrin dut,
mostrin biel e mostrin brut.

Ma co si é t'un lûc di cure,
benedete la nature!
Ciale là mo chês frutatis
ze che ridin come matis
cun chei zovins! Son polachis,
e par gust si dan jù pachis.
Ma cialait ze sentiment!
E chel là, chel pûr contènt
che al rit simpri come un bace?
Pûr macaco,
lui nol viôt e nol capis
co la fêmine 'i sparis
cun t'un altri ta capane,
o fâs gitis a Barbane
e cul scûr o clar di lune
va in barciute pa lagune....

Là ché siore, un carnevâl,
ze bocòn, ze pesenâl!
Lûngie, sglonfe, lârgie e gruesse,
cui braghins plui in sù da cuesse,
co va in aghe e co si tòcie
a plancût 'a pâr la clocie,
e cussi, come une bale
se no nade, 'a sta sù a gale.

Une pûre vedranute
lûngie, sute,
uès e piel,
une scove, un spiruèl,
dut il di starès in muel
par ciatà, par ciapà chel
che 'l la mene sul altâr.
Ma no tache mai l'afâr
e ven simpri plui madure!
No gi servin bains ne cure,
ne stâ in aghe dut il di
che, puarète, é simpri lì.

Sot 'ne tende une famee
'a somee
propri l'àrcie di Noè:
pari, mari, fiis e fioi,
(ma se fossin nome doi!),
l'è un tal grum di pizzui grane':
cui ju còntie? Son in tanc'!
Franz e Fifi, Mizzi e Lori,
Lotte, Karli, Kurt e Clori,
Lisi, Toto, Frida, Grete
che, ché mari, püarete,
sì che à za il so biel zefà
se duquanc' orès clamà.
Spindin, spandin come màz:
sono prinzijs o sioràz?
Mah... i doi vècios cun chés panzis
doi beciàrs son in vacanzis.

Cui lis còntie chés spuzzetis
che cun duc' fan lis zivetis,
che lontàn dai voi de mame
'a spassizzin in « pljame »
dindolànt a pueste i flancs
e ti mostrin i dinc' blancs
da gran bòcie spalancade?
Che sivilin e che fumin,
'o scometi, plui dai umin,
che coruzzin
dentri • fûr

e ciantuzzin
canzonetis a la mode
cu' une code
di frutàz che 'i stan daûr?
Che, co fasin lis nadadis,
chès sfazzadis,
'a no fasin che ripâ,
sclipignâ e bacana,
e disturbîn i bagnànz
che da pâs 'a son amànz
e che àn za dismenteât
i matèz di ziarte età?

Co finis i bains, la cure,
fra ché int mate e ché misture,
dis ridint agne Gisele,
co fevele
cun chei pôs di boins furlâns
benestànz
che stan là par dut un mès,
e i gradès
(lôr bessoi)
'a ju clamin «i pedoi»:
- Chiste vite in libertât
'a jé biele, in veretât
ma viodûdis 'a vin tantis
di chês robis stravagantis,
che imparât 'a vin plui di une,
a fâ i bains cà ta lagune.
Par fortune, mancûl mal,
che a dut quant si fâs il cal! -

MARIA GIOITTI DEL MONACO

*Ce che vin plui da ciar
al merte plui sacrificzi*

Avôst

Il soreli si jeve es 4,42; al va a mont es 19,18

✠ 1	D	s. Pieri in Vinc. L.G.	18	M	s. Eline imp. <i>Non de Regine</i>
2	L	s. Alfons de Liguoro	19	J	s. Zuan Eudes
3	M	Invenz. di s. Stieffin	20	V	s. Bernart ab. dot.
4	M	s. Meni conf.	21	S	s. Donât e C. mm. <i>Patronos di Cividât</i>
5	J	Madone de Nêf	✠ 22	D	ss. Timôteo e C. O.Q.
6	V	Trasfiguraz. di N. S.	23	L	s. Filîp Benizi conf.
7	S	s. Gaetan conf.	24	M	s. Bartolomio ap.
✠ 8	D	s. Ciriac e C. mm.	25	M	s. Vico re
9	L	s. Zuan M. Vian. P.Q.	26	J	ss. Ermôgene e For- tunato di Aquilee
10	M	s. Laurinz m.	27	V	s. Josêf di Calasanzi
11	M	ss. Tiburzi e Susane	28	S	s. Denêl <i>Patr. di S. Denêl d. Friûl</i>
12	J	s. Clare verg.	✠ 29	D	Decol. di s. Zuan B.
13	V	ss. Ipolito e Cassian	30	L	s. Rose di Lime L.G.
14	S	s. Eusebi conf.	31	M	s. Raimont conf.
✠ 15	D	Assunzion di M. L.P.			
16	L	s. Roc conf.			
17	M	s. Zazint conf.			

ORT E CUSINE

Di là de Plâf 'e disin de ploe: «Da S. Lorenzo (10) la xè a tempo; da la Madona (15) la xè ancora bona; da S. Roco (16) la gâ spetâ tropo; da S. Bartolomio (24) petarsela sul dadrio». Vêso capit che la campagne in avòst 'e ûl aghe? E alore, tal ort, sot cul sborfadôr!

La cevole promèdie, semenade dopo la Madone e traplantade fra metât di setembar e fin di otubar, 'e jé ché che fâs la miei riusside. Ai prins di avòst si semene la spinaze, che ven sù fuarte e dà une buine produzion in autûn, e, se jé ben riparade, 'e dure ancîe dut l'unviâr fin al istât dal an dopo. Si semene a riis distacadis un 25 cm. l'une da l'altre; e si rarrissin lis plantis tignînlis lontanis tra di lôr almanco 15 cm.; cussî si pô netâlis miôr de jarbe. I vècios 'e semenavin i capûs a la fin di avòst; ma semenant a la fi di fevrâr i capûs promedis, si ân i prodòz a la stessee èpoeche di chei altris. La lature d'unviâr, semenade a metât di avòst e trapiantade plui di une volte, 'e riès a fâ il capûz in autûn; se la semenais a la fin dal mès, 'e farâ la bale come in avrîl-mai.

Par traplantâ di estât bisugne che la tiare 'e sedî ben preparade con qualchi sborfade che la immorbidissi, ma senze fâ pantân. E stait atenz che lis lldris des plantutis no si sùin; tignilis cuviartis cun ciarte o cun frascam lizêr, e bagnadis. Meteilis in tiare in t'un luc fresc, se no podês metîlis a puest subit.

Si traplantin bròcui di Bruxelles, bròcui cinês, latuje, latuje salvâdie, cicòrie. Si scomenzin a racuel i codûmars e lis cozzutis di semenze, par fâju madurî tal sut, e par man che si fasin, âncie pomodoros, melanzanis e pevaróns. Cul gran soreli faseit seciâ a fetutis melanzanis, melóns e pomodoros di meti vie... Ma chestis 'e son robis di fêminis. E alore.... fuarze a la coghe.

Il momènt dal racòlt dai pirûz e milûz madûrs al fâs vigni voe di fâ un strûdel.... almanco un strûdel di patatis! Eco cà: faseit une paste cun 250 gr. di patatis (pesadis crudis) e cun 250 grams di farine, un ûf, sal, una polvarine di levàn e un pôc di zucar. Lavorait ben cheste paste e tiraile, mitinle, dopo ridote avonde fine, sun t'une tovae; parsore distindeit de marmelade, dai milûz, dai piârsui o dai pirûz a fetinis, pal pês di un chilo. Zontait ûe sultanine, une sedòn di zucar, un nînin di canele; rodolait la paste e metèile in t'une padièle onzude di ueli; e faseile cunei par un'ore tal fôr.

Cun pirûz, milûz e piârsui si continue a fâ la paste di pomis; ma si puedin âncie seciâ tal fôr a calôr dolz, sedi a fetinis, sedi âncie, pai piârsui, dividûz a metât. A vè un pôc di zucar, si podarès âncie sciropâlis.

Si pò fâ la marmelade di siespis zontant 500 grams fra zucar e mil par ogni chilo di pomis passadis. Senze zucar si fâr la paste di siespis, giavade la sêpe, fasinle diventâ penze sul fuc planc planc, in plui oris par dôs-tre voltis. La paste penze si met in t'un vâs di tiare, e si la cuviarz cun gras disfât.

Dai milûz no stait mai a butâ vie lis scussis, ma seciâllis, o tal soreli o tal fôr, parzè che di unviâr 'e podarès fânt un infûs, bon spezzialmentri pe toss e pai rafredôrs.

In cheste stagion 'e madressin lis glasnîs o morûculis o cerniculis (*mirtilli*); e si pò fânt marmeladis e sciròps e ance une buine conserve che si miet sui ris cuèz tal lat. Par ogni chilo di murûculis meteit te pignate ½ litro di aghe, miez di vin, dusinte grams di zucar, e po canele e scusse di limòn; e faseit buli a planc. Struciânt lis murûculis faseit diventâ penz il liquit zontant un pugn di farine misturade a pôc lat.

Tornànt a lis pietanzis di ogni dì, eco un mût par fâ ben figurâ la paste sute. Tajait qualchi melanzane a fetis lungis senze spelâle, e scaltrit lis fetis senze farine t'un pôc di gràs. Lessâz i spaghèz, metèju a strâz in t'une pignate fonde cun conserve di pomodoro, formadi e lis melanzanis scaltridis. Zontait qualchi fuee di basili e cu' lis stessis fueis cuviarzeit par ultin la pignate e lassaile un pôc tal fôr. Us pararà di no mangiâ paste sute! Se vês peverôns, melanzanis, pomodoros, patatis, faseit dut a tocûz e cuejêlt in padiele cun pôc gràs. Al ven fûr un contorno savorit, âncie di mangiâ cu' la polente.

In licenza...

Dopo un an e pi di naja,
sempri in viac' come un dirèt,
soi tornât, po, finalmentri
a polsâ sora 'l gno jet.

Par un toc no sint pi 'l bati
quasi urtânt dal atendent
e che vòs di bergamâsco:
«S'alza miga, sior tenent?»

Sul barcòn, 'na sisiluta
'a mi svea ogni matina.
e 'l soreli al mi ricama
qualchi flôr su la tindina.

In tun salt soi jù 'n cusina,
ta la stala, dentri l'ort,
dapardût voi dâ un'ociada,
ència al ciôt davôr la cort.

Po 'i voi for par la ciampagna
par tornâ a sinti l'odôr
di ché pâs c'a sa di ciera,
di soreli e di lavôr.

MARIO ARGANTE

Ta tesa

(in val di Vergègnas)

Al è imò not, ma nou 'i sin già a Dinglâr
ciamâz di sgiâlbias e vergóns. Vitôr
intan' che jo 'i tint l'arbul cul codâr
plen di vis'ciardas, al fâs ciufs adôr

da cisa. Uan l'infloca la palina
e un cinc uitârias jù pal cuel. Finit
di tindi e sparniciât a la sveltina
i ucei ta' sterp, sci sin s'caldâz pulit

di sgnapa e 'i vin spietât il prin passac'.
— Freidic', uei, Uan!... — Po folc: 'a son trei dis
che la giuligna 'a ericia sot i pis;

e s'a nol mola in breif nus ciapa il glac'!... —
— Bon chel, copari, bon par l'uselanda...
Nua miôr dal freit par fâ la picia granda! —

Fiesta di rais c'a intengin las cretussas,
fiesta di frint c'a svuala dai gimai,
piulâ di niblis, vosaria pai stai,
legria di zips tai sterps e di perussas...

Zornada justa. I prins a screâ la tesa
son stâz i crucinabi; po i fresòz,
po i lùjars e i montâns e i scivilòz
e âta baceda... Con che mé agna Gnesa

e Ghita 'a son vignudas cul gustâ
(crodeila o nò, ma u' 'nin bigna giontâ)
'in vevin mil lusinta trenta siet.

E imò ché di âi ciapât tal visc Ghituta...
Ma cà... (ognùn sul so art) al è un segrèt
che sci us lu pant 'i resti... a bòcia suta!

Chieti, 12 ot. '42.

GISO PITRIN

Dinglâr, val di Verzegnis — *uitârias*, un bastòn di un metro, o un metro e miez, furnit di vermenis invis'ciadis — *giuligna*, zulugne — *picia*, picie, mac di ucei come che si puartin al marciât — *frint*, fronde — *zips*, ucei di cise — *crucinabi*, becs stuarz — *baceda*, minusae, ratatuje — *u' 'nin*, un tantin.

Seiember

Il soreli si jeve es 5,26; al va a mont es 18,34

1	M	s. Egidi ab.	16	J	s. Corneli p. m.
2	J	s. Stieffin re d'Ung.	17	V	s. Lambért v. m. <i>T</i>
3	V	ss. Fémie e C. mm.			Stimatis di s. Fr.
4	S	s. Rosàlie verg.	18	S	s. Josèd di Copert. <i>T</i>
5	D	s. Laurinz Giustin.	✠ 19	D	ss. Zenâr e C. mm.
6	L	s. Petroni vesc.	20	L	ss. Eustachi e C.
7	M	s. Anastasi di Aq. P.Q.	21	M	s. Matio evang. <i>U.Q.</i>
8	M	Nativitât di M. V.	22	M	s. Tomàs di Vil. v.
9	J	S. Gorgòn m.	23	J	s. Lino I pape
10	V	s. Colò di Tolentin	24	V	s. Teele verg.
11	S	ss. Proto e Zazint			Madone de Mercede
12	D	Ss. Non di Marie	25	S	s. Firmin vesc. m.
		s. Guido conf.	✠ 26	D	ss. Ciprian e Justine
13	L	s. Amât vesc. c.	27	L	ss. Cosme e Damian
14	M	Esaltaz. de s. Crôs L.P.	28	M	s. Venceslao duche
15	M	Madone dai 7 dol. <i>T</i>	29	M	s. Michêl Arcàgn. L.G.
		<i>Nässite Princip. Eredit.</i>	30	J	s. Jaroni dot.

ORT E CUSINE

Ancie setembar al è un mès bon pai lavòrs. Intànt si giavin lis patatis e subit dopo si plantin i bròcui, sgambiant lis cumieris. Bisugne ance trapiantâ ce che vin semenât in lui e avòst. Ce restâl di semenâ? Capûs promiedis di riplantâ in novembar e racuei da avrîl a lui, ardielût e ancimò latuje a bale par l'unviâr, cevole, fenoli. Tanc' 'e àn scrit sul implânt des freulis ma cognossint i nestrîs frêz, al è miei mêti lis plantutis in vivâl, sot di un mûr ben riparât, par vè plantis fuartis in primevere, di raventâ in Avrîl, in tiare lavorade. I implanz di freulis d'ogni mès 'e vadin rinovâz ogni doi agn; chei altrîs ogni tre-quatri agn.

Si scomenze a leâ la salate e si pò ancie pensâ a sblanciâle cul puartâle, apene c'al rive il frêt, cun dute la lidris, in cantine o te stale, e riplantâle in tiare mieze ùmide. Par sblanciâle si lèe e si cuviarz di savolòn sût o cun fueis. Par l'indivie si pò fâ ancie un «silò» a la viarte in t'une fuesse lârgie un metro e fònde 50 cm. Lis plantis si metin leadis, une dôngie di ché altre un pòc pleadis e si cuviarzin cu' la tiare sgiavade par fâ la fuesse, fasint une montagnûte par-

sore; e toratòr si fâs un fossalùt par salvâlis da l'aghe. S'al ven une vore di frèt cuviarzeit il silò cun fueis e pae.

Stait atenz che l'indivie metude a sblanciâsi masse ad ore, 'e si sblancie dute in 20 dis senze durâ fin in marz. S'al è sciròc, visitait il silò e netait lis plantis des fueis fraidis. I cardos 'e si sblanciin dal istât al autùn, fassànt lis plantis di selear e dânjur sù unmonte di tiare. In 20 dis 'e son blancs. Par vêju in primevere lassait fûr lis plantis in unviâr e alore su la viarte 'e varàn dât fûr dapit i fioi tenars e blancs, cres-sûz sot la tiare dade sù. Par vêju d'unviâr, al convèn puar-tâju in cantine o sot di une tetòe e fâ come par la salate, sborfânju se si flapissin. Ancie i fioi dai articiòcs 'e son bogns. Preparait i fossai par conservâ râs, erbetis, carotis e rati; e dait sù la tiare ai bròcui, al sèlino e a la cicòrie.

In cusine si sint odôr di conserve di pomodoro. Cemût la fasêso? Ognidùn al à la so usanze e no jé parone che cul sal no meti une prèse di acido salicilico. Al è cui c'al conserve i pomodoros in butillie, cun pôc sal, ben stropâz, cul tapòn di sujar leât in cròs, e buliz par un'ore a bagno marie ('i uelin butillis tempradis, se nò si crepin). Al è cui c'al met i pomodoros sot sâl, cui che ju sècie al soreli; cui c'al si contente di mètiju in camarin, tacâz a un toc di gambe e che spietin che si madressin un pôc par volte; cui c'al fâs la conserve a ûs di paste penze, scure, rodolade in fueis di vit o in ciarte veline; cui c'al met sot asêt i pomodoros durs e vèrz, cun t'un pugn di sal.

Un altri bon odôr nus al dan i foncs. E pensâ ce che costin quan' che son seciâz, e ce bon savôr e profùm che dan in tropis pietanzis! Ma.... sostanze pôcie, se nol è pal ueli e pe spôngie che coventin par cuêju in padiele, cui savôrs e cul ai. Il piês al è che qualchi volte 'e son cause di disgrâziis. Giavaisi dal ciâf di podê giudicâ di bessoi se i foncs 'e son o no son velenôs! No stait a crodi che sedin velenôs dome se fasin diventâ neri l'arint o lis giambis dai savôrs, o il spic di ai; opûr se il giat e il cian no uelin mangiâju, o se il lat al va di mal! I foncs velenôs no àn di spês nissùn savôr ne odôr diferent di chei altris, e il segnâl dal avelenamènt al ven fûr dome dopo qualchi ore. Nâncie fâju cuei o seciâ nol garantis nuje, parzè che i foncs 'e restin velenôs istès. Atenz, duncie! Faséju viodi a cui c'al è veramenti espèrt. Imparait pluistòst a fâju cressi te uestre cantine, parsore di un grum di ledàn di ciavâl in lizere fermentazion; e us siguri che farès bogns afârs!

Se vês fonghis o ciapelâz (*cappelli grandi di ovoli*) 'e son squisiz su la gridele cun ueli, pevar, sal, savôrs. Chei pitinins, siarâs, si puedin conservâ sot asêt dopo di vêju scotâz, e naturalmentri âncie secs o magari sot ueli (simpri dopo vêju scotâz in aghe, sal e asêt). Cui foncs si fâs un tòcio straordenari pe paste sute, metinju in t'une padiele cun savôrs pestâz, ai, ueli, un guciarin di conserve e un di farine, aghe: dut a frêt. Dopo cuèz si salin e si messedin cul formadi gratât.

Dato che jé la stagion da l'ue podês fâ la mostarde cul most. Si cuei un chilo di biei milûz, doi di pirûz a fetis cun 240 grams di vin blanc dolz. Di bande si struchin doi chilos di ue blâncie dolze e si zonte il most es pomis fasint cuei dut come la codognade. A frêt si zontin 40 grams di sênape sciolte in t'un pôc di vin cialt cun canele e qualche candit a tocs.

In cheste stagion al pò capitâus di vê (invezzi dal cunin) un jeur o dal ciamôz o magari dal ciavrûl. Savêso cemût che si prepare il jeur a la ciazadore? Dopo 12 oris di infusion dai tòcs in aghe, vin, asêt, sal, pevar, cevôle, ai, timo, mazorane, osmarin, carotis, orâr e sâlvie, e brucis di garoful, si mêt il jêur a cuei in padiele cun t'un pestât di ardiel e di due' i odôrs, insieme cul fiât e cul cûr pestâz. Si bagne cul vin de cuinze e si zontin par ultin saradelis pestadis.

Se vês ûs di conservâ (e magari no ingialâz) comprait dal veri solubil (silicato di soda) e misurâit une part su nûf parz di aghe frede bulide. I ûs si conservin âncie par vot mês e no ciapin nissun savôr trist. Se l'aghe 'e cale, zontait altre aghe bulide, in mût che i ûs 'e restin simpri cuviarz.

E cumò volêso bevi dal cafè che nol sedi di uardi, ne di glant, ne di pizzui (ceci), ne di nolis, ne c'al sedi cafè messicàn? Eco il cafè di blave blâncie! Faseit buli i grans un pâr di oris, sujâiju, brustulâiju, e faseit boli il polvar cun t'un pôc di surogât. Sintirês ce robe!...

O lâ o rompi!

tant in païs come sul front di guere

I polvarins dal miedi

Une volte in montagne si innalà un omp: dolòrs di panse di muri. Lis fêminis di ciase e chês des ciasis visinis si metin a confabulâ: bisugnarès fâigi chest e chest altri, provâ cussi e culâ: ché 'e dis un decòt di sinz e madriarie, ché altre impàcs di flor di savût, un'altre un trat di ûf cu' la stope, e une quarte un sotratif che al ere mior di dut, cun aghe di malvis.

'O crôt che vepin provâs duc' chei pastròs, ma dibànt; alore chês babis finis i lor rimiedis e viodint che chel omp al leve denànt daùr ogni dì plui si decidin a clamâ el miedi.

Chel al va sù, al visite el malât e dopo di vè dite che nol ere propi mal di muri, al scrif le ricete sui zenoi par vie che nol ere dulà pojâ la ciarte in ché ciàmare di pore int; e sicome c'al veve premure di tornâ jù, par sujâ ce che al veve scrit su la rècepe, al gratâ cul penâl un tic di cialcine, e dopo, consegnanle a la fêmine dal malât, 'i disè:

«Ogni quatri oris 'i dais une sedòn di chest polvar in t'une tace di aghe... veso capit?».

«Sior sì, dabòn» 'e rispuint ché fêmine e ti cor jù a cioll un gremiâl di cistinis, che met sul caretin dal miedi..

«Ogni quatri oris, eh?... 'O vès pur sì capit?».

«Sior sì, sior dotôr... Patròn... ogni quatri oris une sedòn di polvarin...».

'E passin quindis dis e el miedi une dì sul marciât al incuintre le fêmine dal malât.

«E alore? Cemût el nestri omp parone?... Îsal uarît?...».

Ché lu ciale e devente rosse e po platansi la muse cul gremiâl si met a vai».

«Ce isal sucedût mai?... - al domandâ el miedi - Parcè vaíso?...».

«Al è muart lui por biât el gno omp...».

«I vèviso dâs i polvarins che us vevi dite jo?...».

«Po sì, sior dotôr, che 'i ai vin dâs... 'O vin gratât fin sul clap... ma nol à zovât... al leve 'gni dì piês...».

«Ce veso fat...» al domandâ el miedi, spalancànt i voi.

«O vin gratât el mur e tirade vie la cialcine fin sul clap, dulà che al veve gratât lui, e 'i 'e davin ta l'aghe. Ma dut di bant, c'al mi crodi... Ogni dì al leve piês e dopo tre dis al è lât cul Signôr, cence provâ nissùn soléf, biât el gno omp...».

Ofubar

Il soreli si jeve es 6,15; al va a mont es 17,45

1	V	s. Remigio vesc.	✠ 17	D	s. Margarite Alac.
2	S	ss. Agnui Custodis	18	L	s. Luche evang.
3	D	La Madone dal Ros. s. Tarèsie dal B. Gesù	19	M	s. Pieri d'Alcantare
4	L	s. Francèsc d'Assisi	20	M	s. Zuan Canzi c.
5	M	s. Plàcit mart.	21	J	ss. Ursule e C. U.Q.
6	M	s. Brunòn conf. P.Q.	22	V	s. Ermes m.
7	J	s. Sergio mart.	23	S	s. Severin vesc. c.
8	V	s. Brìgide vèdue	✠ 24	D	Jesù Crist Re s. Rafael Arcàngul
9	S	s. Dionis vesc. m.	25	L	ss. Crisànt e Dàrie
10	D	s. Francèsc Bòrgie	26	M	s. Evarist p. m.
11	L	Maternità di M. V.	27	M	s. Sabine m.
12	M	s. Massimilian v. <i>Scuviarte da l'Americhe</i>	28	J	ss. Simòn e Giude <i>Màrcie di Rome (1922)</i>
13	M	s. Eduàrt re L.P.			<i>Scomenze l'an XXII de l'E.F.</i>
14	J	s. Calist p. m.	29	V	s. Narcis vesc. I.G.
15	V	s. Tarèsie verg.	30	S	b. Benvign. B. di C.
16	S	s. Edvige vèdue	✠ 31	D	s. Volfane ab.

ORT E CUSINE

In chest mès, plui che a lavorà tal ort, si pense a difindi i prodòz da la glazze o a conservàju par l'unviàr.

Nol è che di meti in tiare i spics di ai, la ceve, e lis cevolutis. Di gnot si metin in vore lis difesis di grisiolis o di stuéris, là che si pò; e altrimentri, cun doi steccs in cròs, plante par plante, si fàs un cuviart cun ciarte fuarte e ingrassade: in cheste maniere si fàs di manco des ciampanis di veri. Se jé vere che la scorzonie (scorzoner e scorzobianca) 'e resist al frèt, par podé giavà lis plantutis quant che jé la glazze al è simpri miei fàlis cressi dutis insieme in t'un strop espônùt al soreli, e cuviarzilis di stran o di fueis.

Sèlino, rås e carotis si conservin te stesse maniere; e se vès une cantine tirait dentri lis plantis e interait lis lidris tal savolòn. Par l'unviàr preparait un vàs di conserve di bande, sbusât cà e là, atòr, jemplailu di bon tieriz, e in ogni busute meteit une lidris di savòrs. Sborfànlu e zirànlu tal soreli ogni di, viodarès che prest al sarà dut cuviart di fuejutis.

Te sparzine tajait lis plantis; sapait, svangiait e coltait toratòr par vè pronte la tiare di semenà lis ortais in primevere.

Di sere podês mêtisi a fabricâ stuériis par riparâ i strops dal frêt. Al è un lavôr di frûz.

Cumò si tirin fûr lis cartùfulis (topinambur). Si mangin crudis in salate (speladis), o in salse, o lessis e son, po, squisidîs cui fones.

Cumò che si scomenze a meti vie cesaróns e fasui secs, al ocòr tigni di voli lis besteutis che ju sbusin (tònchio). Naturalmentri no si pò favelâ di fâ in clase la disinfezion cul solfuro di carbonio (c'al ciape fuc fazzilmentri); ma i fasui e cesaróns di semenze si pò messedâju cun 10 grams d naftaline par ogni 10 chilos di semenzis. Par chei di mangiâ, daigi une scotade di pòs minûz in aghe a quarante grâz, sujânt ben, dopo.

Par fâ il craut (bròcui garps, o «Sauer-Kraut» dai todêscs) bisugne proviodi une mastelute o qualchi vâs di tiare. Giavait lis fueis di fûr e il tors, tajait il rest a strissulis e faseit sujâ al soreli. Sparnizzait di sal il fons de mastelute e scomenzait a stratificâ un pòs di bròcui e tant sal, cun t'un pòc di pevar, fracânt ben jù ogni strât. Par ultin si met sal e fueis largis di bròcul e si tapone cun t'un tapòn tarònt di len c'al jentri just just, metingi parsore un clap grues. Quant che scomenzin a fermentâ, i bròcui 'e mandin fûr un brût c'al spuzze. Chest brût si bùtilu fûr e si mèt dentri invezzi aghe e sal, continânt un pòc a la volte cussi, par 20 dis, fin che il brût al ven fûr clar. Alore il craut al è pront. Prime di doprâlu bisugne lavâlu par giavâi la salmuérie.

Cui râs si fâs la bruade, e cui no cognòssial chest antic plat romàn e furlàn par ecelenze, cussi ben descrit tal «Ce fastu?». Il brovadin, si fâs sbuentânt ta l'aghe i râs cu' la so vis'cie che si siarin tal brovadâr (casse di len cuviarte di breis cun t'un pès parsore). In primevere si giavin e si fasin sujâ sul ciast. Cul brovadin si fâs la jote, antighe mignestre furlane fate cul brovadin smuelât e pestât (pestadizze), mitût a cuei cun fasui, lat e cuinze, e un pòcie di farine di polente zontade par ultim.

Cu' la farine di sorc si pò fâ une buine torte. Cioleit 400 grams di farine e messedaile cun t'une sedòn di zucar, sal, limòn gratât, 1 o 2 ùs, une buste di levàn in polvar, un ninin di lat. Si ribalte dut in t'une padiele onzude, e si cuei tal fôr. Po dait un pòc di zucar. Za che vês fics secs, tazzâju fins insieme cun qualchi còcule, e messedait dut cun t'une sedòn di ciocolate e un pòc di licôr. Faseit tantis balutis, lis impirais su stecûz, passailis te mil o tal zucar caramelât (cuet biont); e varês dai caramei spezziai pe canae.

Novembar

Il soreli si jeve es 7,4; al va a mont es 16,56

✠	1	L	Duc' i Sanz	16	M	s. Geltrude Dedicazion di dutis lis glèsis di Udin
	2	M	ss. Tobie e Bibiâne <i>Comem. dai Defòns</i>	17	M	s. Gregori vesc.
	3	M	s. Just martir	18	J	Dedic. Basil. s. Pieri
	4	J	s. Carlo Boromeo <i>Fièste de Vitòrie</i>	19	V	s. Lisebete di U. U.Q.
	5	V	s. Zacarie prof. P.Q.	20	S	s. Filiz conf.
	6	S	s. Lenàrt conf.	✠ 21	D	1.a Madene de Salùt Presentaz. di M. V.
✠	7	D	s. Prodocim vesc.	22	L	s. Cecilie verg.
	8	L	ss. Quatri Coronâs	23	M	s. Clemènt p. m.
	9	M	s. Teodoro m.	24	M	s. Grisògono m.
	10	M	s. Andrèe Avelin c.	25	J	s. Catine verg. m.
	11	J	s. Martin vesc. <i>Natalizi dal Re Imper.</i>	26	V	s. Silvestri ab.
	12	V	s. Martin pape I.P.	27	S	s. Valerian v. L.G.
	13	S	s. Didaco conf.	✠ 28	D	s. Grivôr pape <i>Domenie I di Avènt</i>
✠	14	D	s. Josafat vesc. m.	29	L	s. Saturnin m.
	15	L	s. Alberto Magno	30	M	s. Andrèe ap.

ORT E CUSINE

Lassin stâ i granc' implânz di sparzinis (ma se il timp al è sut e se si à tiare lizere, si puedin ancimò meti sot zatis di sparcs), parzè che in timp di uere cheste no jé une verdure pràtiche pes nestris coghis che si ciatin imbrojadis a quinzâle.

In chest mès bisugne dâ sù la tiare ai articiòcs par salvâju dal frèt. Si plantin rati e râs, par semenze; si sblande l'indivie e si mêtin in grum, riplantadis t'un luc riparât e cuviartis di tiare e fueis, lis lidris di cicòrie, sèlino, carotis, scorzònie (barbe di frari), etc. Si rarissin la spinaze e l'ardielùt. Par salvâ i bròcui (di flôr o cumùns) de zulugne, al convèn leâ parsore dal flôr lis fueis plui lungis. Se vès casselis vecis o tinâz e vas'ciei in cantine, 'e podaressis sfuarzâ la cicòrie di Bruxelles e la barbe di frari (scorzònie), fasint un pôc come che vès fât pai savôrs, cioè jemplant cassis e vas'ciei di teriz e metint sot lis lidris, in comunicazion des busis fatis atôr. 'E varessis par dut l'unviâr di podê fâ in salate une buine plâdine ogni dì.

Des lidris dal brocul di mar (cavolo marino) si giavin lis cuestis blancis e ténaris àncie par sis o siet agn di file. Si metin sot a 10 cm. dai boccons di lidris cun qualchi menade, e tal secònt unviâr si scomenze la racolte: in autùn si cuviarzin lis plantis cun vâs grues o cun casselis, e toratòr e parsore si frachin un 15 cm. di ledàn fresc. Dopo un mês si àn lis cuestis blancis che son ténaris come i cardos e i sparcs. Finit di racuei lis fueis, in primevere, si lavore e si colte la tiare. Baste sbanciâ un pôcis di plantis par volte, par vê un prodòt continuât.

In chest mês, no stait a dismenteâsi di ristiellâ dòngie dutis lis fueis secis par scomenzâ a formâ il tieriz, zontànt ance il cialin dai camìns.

E cumò viodin se la coghe 'e cognòs *la uite*, mignestre furlane. Si fasin lessâ verzis, spinazis, vis'cie di rås e altris verduris. Si tazzin finis e si zonte un pôcie di cuinze, aghe, lat, fasui lessâz. Si fâs buli dut fin che devente une polentine. Po si mângie cul lat. Àncie il zûf al reste l'amî dai vécios furlâns; la côce zale lessade e passade, si messede cun t'une polentine mieze di farine zale e mieze di farine di formènt. Si mângie cialt cul lat.

Tal lat frêt o' podês àncie mangiâ lis moncis di bol (ciastinis speladis e lessadis).

Cul lat cuviarzeit lis patatis crudis a fetinis. mitudis in padiele a strâz cun sal, pevar, canele e formadi. Si fâsi fâ la croste par un'ore tal fôr e si â une torte senze spòngie.

La saradele, il gût, il sieul pizzul (botul) si netin, si lavin, si passin un pôc tal pan gratât e si metin in padiele due' cu' la côce viars il centro, cuinzâz cun sal, pevar e ai. Si cuein a la svelte. cuviarz di conserve, àncie tal fôr. Se vês dal fiât, giavaigi la piel e lassait il toc intir, metinlu, apene infarinât, sul fûc, cul pestât di ardiel, savòrs, cevole, ai, scusse di limòn, sal e pevar par ultin. Bagnailu cun vin o marsale. Si cuei a la svelte e il tòcio al è la passion dai früz. Cu' la côce zale 'e podês tirâ sù un risòt c'al somee, par colôr, al risòt a la milanese. Lessait la côce a tocs e dopo spelalle; tajaile finé e metelle a savorisi cul pestât di cevole, savòrs, sèlino e pôc gràs. Cu' l'aghe de côce si bagne la pietanze e si cuinze, dopo, cun t'un pôc di formadi e magari.... cun t'un ûf. Chest'e cuinze, che sa di creme, si bûte sui ris, lessâz semplicementri in aghe e sal. Mancul di cussi!....

Ma la canàe us sta intòr par vé il bombòn, la domènie!
Rustit lis ciastinis, spelailis ben e tornait a mètilis sul fuc cun
t'une tazze di vin neri, canele e pôc zucar o mil. Faseit de-
ventà penz il tòcio e dallis fûr di bòl.

Parcè che san Luca lu piturin cul manz

In chel timp, quant che il Signôr e san Pieri ziravin pal
mont, una sera, stracs fur di mut, càpitin tal pais di Luca, con-
tadin benestant. Entrin in ciasa so e domandin di jessi ricoverâz
la gnot. Luca ju aceta e ju met a duarmì sul fenili. Prima di
là a duarmì il Signôr, che no si veva dat a cognossi, veva volût
provà fin dulà che rivava l'onestât di Luca, e tira fur la so borsa
cun entri tantis monedis d'aur, e lu prea di custodigila fin tal
domàn. La consegna jara senza contà li' monedis, cussi, su la
buna fede. Luca al ciol la borsa e la met sot claf ta so cassela.
Dopo che il Signôr e san Pieri jarin las a duarmì, Luca cul pen-
saigi sù, che la consegna jara stada fata senza contà, jara capi-
tati la tentazion di cioli una moneda fur de la borsa, disint fra
sè: contadis no son, e nissùn s'incuarzarà da la manciaanza
di una sola moneda.

A la matina, al Signôr veva displasuti ché pòcia onestât; e
quant che Luca gi restituiva la borsa, cun t'una ociada sola lu
veva fat diventà un manz. San Pieri pront gi buta una cuarda
sul cuel; e ti lu menin via. Ciamina che ti ciaminin, rivin t'un
altri pais, e li vadin cà di un contadin che cognossevin pa' la so
onestât; e il Signôr gi dis, dipo vèlu saludât: Sintit, cà us con-
segni chist manz; l'è bon di lavôr, podeso zovâsi di lui un an in-
tier; e di cà un an jo tornarai a ciòllu par menàlu via. Chel
contadin jara stat plui che contènt di vé un manz di plui in t-
so stala, e a dirittura par un an.

Par duc' i lavòrs, secònt la stagion, chel contadin tacava
chel manz cui soi altris, ora sot il ciar, ora sot la uarzina. E chel
manz scugniva tirà e tirà senza podé lagnâsi, parcè che 'i man-
ciava la peraula. Di gnot jù làgrimis di pentimènt: chel fal che
veva cometût gi jara simpri davànt i voi.

Passàt che jara l'an, il Signór e san Pieri tornin in chel pais e si presentin al contadin par menà via il manz, come che jarin d'acordo. Chel contadin, dut contènt, no fas che ringrazia il Signór dal gran benefizzi che gi veva fat; e ualint jessi ricognossint consegna al Signór una borsuta cun entri l'impuart che, secònt il so calcul, 'i veva puartati vantàz durànt chel an. Il Signór aceta la borsa e dopo vé saludàt lui e san Pieri si metin in strada; e san Pieri menava par la cuarda il manz.

Finalmentì rivin a la ciasa di Luca; e lì il Signór ordena a san Pieri di jevaigi la cuarda al manz; po alza la man distirada e il manz, come in un lamp, torna a jessi Luca. Allora Luca si buta in zenoglóns, e dut in làgrimis prea pardòn al Signór dal so peciàt. Il Signór gi perdona e gi consegna la borsa cui bez che veva aquistàt cu' la fadia di un an.

D'inalora Luca veva fat vita onesta cun dut scrupul, jara devòt e usava fà caritàz; e, dopo muart, duc' lu vevin par sant, anzi l'è stat santificàt. Anciamò al dì di ué quant che lu piturin 'i metin a flanc il manz, in ricuart da la so stòria.

Gurizza.

DIONIS USSAI

In vile...

⟨za tre sècui!⟩

...

Un sol vistit al fàs par pluì d'un an,
al è simpri a la mode e simpri al s'use;
cistinis e pirùz son a rifuse;
nè mi manciarà ciart un bèz di pan.

Se il càs al puartarà ch'jo sei malàt,
medisine no uel, ne servizial:
uei dà une gran tirade di bocàl,
c'al stei pur tant c'al ùl il ciáf leàt.

...

IL CONT HERMES DI COLORÊT

Dicembar

Il soreli si jeve es 7,40; al va a mont es 16,20

1	M	s. Cándide mart.	15	M	s. Massimín conf. T
2	J	s. Cromazi di Aquil.	16	J	s. Albín vesc.
3	V	s. Francèsc Saveri	17	V	s. Lazar risussit. T
4	S	s. Bàrbare verg. P.Q. <i>Fieste de Artiliarie, dal Gênio e de Marine</i>	18	S	s. Grazian vesc. T
✠ 5	D	s. Sabe abât	✠ 19	D	s. Fauste verg. U.Q.
6	L	s. Colò vescul	20	L	s. Zuan Marinòn c.
7	M	s. Ambrós vesc. dot.	21	M	s. Tomàs ap.
✠ 8	M	L'Imacolade Concez.	22	M	s. Demetri mart.
9	J	s. Siro vesc.	23	J	s. Vitòrie verg. m.
10	V	La Madone di Lorêt	✠ 24	V	s. Erminie verg.
		s. Melchiade p.	✠ 25	S	Nadâl
11	S	s. Damàs pape L.P.	✠ 26	D	s. Stièffa prin mart.
✠ 12	D	ss. Massenzi e C. mm.	27	L	s. Zuan ap. L.G.
13	L	s. Lùzie verg. m.	28	M	I Sanz Nozènz
14	M	s. Spiridion vesc.	29	M	s. Tomàs vesc.
			30	J	s. Anastàsie m.
			31	V	s. Silvestri pape

ORT E CUSINE

La tiare 'e polse sot une cuviarte lizere di nêf e miez Friûl al à i siei orz indurmidiz sot la prime croste di glazze. Svelz! Giavait la nêf da lis plantis di capûs, di verze, di brôcul. Taponait cul seleâr o cun fueis secis lis plantis che conservin fueis o lidris e lis patatis che àn di passâ fûr l'unviâr. And è di dilicadis, come la salate, i savôrs, lis bledis; 'e son di difindi il sêlino e la barbe di frari.

A Nadâl, dôngie di un plat di ciar, al sarès biel il lidric ròs di Trevis. Prime de glazze 'i varès giavadis lis lidris, tajânlis lungis 20 cm. e scurtânt di 2-3 cm. àncie lis fueis. Si lein a macûz e si metin dôngie in t'un strop che si cuviarz di fueis e stran. Quant che si ûl meti lis plantis a cressi, si giavin chês che coventin e si plantin te stale o in cantine sun t'un jet cialt, cuviart cun 30 cm. di savolòn, tal qual si metin lis lidris. Si cuviarzin, dopo, cun altri savolòn o stran par tigni lis plantis a scûr. Chês altris lidris, restadis di fûr sot il stran, lis metarès a cressi in primevere.

Ricuardâisi che dut ce che cuviarzèt tes oris di glazze, al vâ discuviart quant c'al è soreli, quant che il termômetro

nol è sot zero, tes zornadis di ploe o di sciròc; se nò lait a ris'cio di fà muri dut. Nol è che la nêf 'e ruvini la verdure, anzi la mantèn ben; ma il pericol al è quant che la nêf 'e si disfe, parzè che alore i ràis dal soreli 'e brusin pluì fazilmentri lis fueis.

Par la coghe, dicembar al puarte in cusine dós béstlis grassis e ben passudis, che no spietin altri che lis sôs mans: la ôcie e il purcit.

Il gràs di ôcie savès mètilu vie. Si disfin duc' i tocs che si puedin distacà cun t'un pòc di lat, sal e odòrs, senze fàlu frizi, in mût che il gràs al resti blanc come la spòngie e profumât. Tal gràs stès si conservin àncie i tocs de béstie rustide o fumade e ju varès di mangià cui cesaróns, in avril. La ôcie si fàs in tantis manieris: lesse o rustide (sborfate di vin blanc e profumade di sàlvie). I ritais (cuel, alis, duriel, piel, cûr, po'móns) si mètin in padièle cun t'un pòc di ai, e si bagnin cun pòcie aghe e asèt, mitingi il sal. Dopo 20 minûz si zontin verzis tajadis a strissulis opûr 300 grams di ciastinis senze dutis dós lis scussis, fasint cuei dut insieme par un'ore e mieze. Dal pèt si puedin giavà des fetinis che, passadis tal ûf e pangratât, si frizin e si bagnin cun limòn e càpars pestâz, fasint une salse picànt.

La piel dal cuel, giavade intèrie, si cûs a sàc e si jemple di ciâr pestade di ôcie e di purcit, salade e cu' lis stessis droghis che si doprin pai salàms. Si lesse par 3 ôris; e il stès impàst al pò servi àncie pai budiei di purcit. Lis frizzis di ôcie e di purcit, se no son fracadis cun sal e fueis di orâr, si messèdin cun farine di blave a la paste di pan in aghe di bòl, cun t'un pòc di zucar e di sal e dopo vèle fate jevà, si fàs il famòs pan cu' lis frizzis. Se no doprais subit il fiât di ôcie, cuejèllu a tocûz cun fueis di orâr e bagnailu cun marsale, meteit àncie sal e pevar. Passailu, po, pal tamiès, cun pòcie molene bagnade, un pòc di ardiel ben rassât; e dopo di vè messedât dut, faseit un pan che si cuei in t'un stamp slis, foderât di ciarte onzude, a bagnomarie. Varès dunce il pastiz di ôcie fat in ciase, che si conserve tal so gras; e si tae a fetinis par jemplâ fertajutis o pagnûz di mirinde, bogns par cui c'al à di mangià a frêt, fûr di ciase. Dut il rest de ôcie, rustit o nò, al va tal brût e al darà bon savôr.

Dal purcit no stin a fevelâ parcé che duc' 'e san voltàlu e ziràlu in cent manieris.

Sot Nadâl, ciapòn e dindi 'e si fasin onôr tal brût, e magari àncie cul plen di ciastinis e di còculis. Il mandolât, i fics e i mandarins 'e completin il gustâ.

La marmelade (che manciànt il zucar no podarin conservâ a lunc) si fâs passànt pal tamês 1 chilo di ciastinis lessadis e tornànt a mètilis, dopo, sul fuc cun 200 grams di zucar, disfât in t'un pôcie di aghe. Si dai profûm cul rhum o cognâc e vaniglie. Naturalmentri si puedin zontâ àncie altri pomis, stant atênz di mèti 2 grams di acido salicilico par ogni chilo.

Mandi, furlans! Che il Cîl nus lassi sans!

La ciampana dal nestri cur

Nus jàn dît che ciolaràn
lis ciampanis jù dal tor,
e cun lor biel formaràn
lis granatis dal valôr.

Lassèt pur che jù lis ciolin
lis ciampanis dal Signôr,
parzechè in tal cur nus resta
la ciampana dal amôr.

Chista cà biel scampanota
gnot e di pai nostris Ciars,
che combatin par la Pàtria
su li' monz, sù in zil, sui mars.

'Sta ciampana nus dis ància:
«Sperèt ben, no stet molà!
vegnarà la pàs e alora
ogni cur jà di ciantà.»

E chisc' curs tiràz assieme
formaràn un campanòn,
che la vos si à di sintîla
in tal plui lontàn ciantòn.

Lassèt pur che jù lis ciolin
lis ciampanis dal Signôr:
fin a tant che 'l cur nus resta,
vonda 'a jé la vos di amôr.

Gurizba.

MARMUL

'Ne lètare da l'Afriche

(autèntiche)

A. S., 8 di otubar 1942-XX.

Ciàrs duc' vuatris,

Ir 'o ai ciapade la vuestre lètare e 'o ài let cun tan' plase che duc' vuatris 'o stais benùt, che la vendeme 'e jè lade man-cumâl e c'o stais za disfueant la blave. Quan' c'o tornarin 'o varin, insome, alc cun ce onzi il glutidôr!

Græssie a Diu e græssie 'e nestre Madone de Cunsissìon, che mi vuarde je simpri dal pericul, jo 'o stol pul che ben e lavôr nol mância.

Cumò che jè passade, cheste volte us vuet contà un fat c'al pâr suzzedût a pueste par cioli pal cûl i ingleis. Cheste stòrie 'o podarèssin clamâle «La stòrie de polente in Afriche».

'O vês di savè che 'l 13 dal mès passât, tor lis vot di sere, un trop di nô lavorèns 'o stavin fasint la polente t'un clasâl sdrumazzât e in t'une pagiele pojade su lis boris ti vevin metût a cuei une gialine in umit. Figuralisî mai ce *lusso*, propit di chei rârs, spèssie di chestis bandis!

Ma la polente no jere nâncie cuete a mièz che càpitin, par àjar, a disturbânus sul pui biel, chei dai «cinc pasc'» e i lôr compagnòns americâns, boins àncie chei pal zus. Si viôt che no passûs avonde ti vevin nulit l'edôr de tôte fin tal desert: e invidiosâz jù bombis lôr, inalore, par fânus pierdi l'apetit. Chel c'al messedave la polente al tirà jù svelt la cialdèrie e le metè in salf t'un ciantòn, intànt che squasi duc' chei âtris 'e corevin a riparâsi.

Dome jo e Checo Pupât, un muradôr di Segnà, no se sin sintude di bandonà dute ché græssie.

Checo, infati, al tornà a giavà fûr la cialdèrie, jo ti sbo-rezzai di gnûf il fûc e finide cussì di cuei la polente, sot chel sprezzà di bombis e di sclops de nestre *difese*, ti vin raspade la nestre purissìon, pui abundànt dal solit, senze tant ròmplsi il bas par chel conziert dal diaul. Cu la gavete in t'une man e cu t'une fete di bâte di ché âtre, curiôs àncie un pòc, cumò c'o vevin cujetât il nestri bultric, 'o saltarin fûr tal aviert a cialà chel... fusetaril. I fues pe fieste di Sant Antoni un cliche gongie!

Chei âtris 'e son saltâs fûr des tanis nuje mancul che tre buinis oris pui tart e stuarzint la bôcie e àn scugnût contentâsi lôr di parâ jû la polente frede e il tòcio dut peât.

No valarèssial dabòn la pene da mêtile sul «Strolic» cheste stòrie, che jé propit stòriche e che dimostre — come pal rest — la fedeltât dal furlanât patòc e sô polente, infotansi dai ingleis e di dutis lis lôr bombis?

E prime di finile us zonti inmò c'o soi contènt di jessi vignût cajû, c'o speti ansit di là pui indenànt, simpri pui sot, cu la speranze che mi vadi simpri drete.

Staimi ben e mandî a duc'.

O vinzarin, ma di sigûr.

ETTORE DI PAULH

(di d'Artigne)

I rås dal plevàn

Un pôr predi par rivâ a sbarciâ el lunari cu' la so misare prebende, al si ere inzegnat a mieti tal so ort, adues de Canòniche, un biel strop di rås par podê fâsi un biel branciâl di broade pa' l'invier. Se 'o vessis viodût ce rås che erin vignûs sù tal ort dal Plevàn!... Une raritât: luncs e grues come braz, blancs e rôs e verzelâs che fasevin le bieles voe...

Difât une gnot t'ai àn fâs spari duc' quanc'.

El predi apene che la massàrie lu à visât al va jû a viodi chel disastro. Si sint a strenzi el cur, poarèt: adio broade!...

Ma tornànt a ciase si inzopede, e quasi al colave, in t'un ravòt buluzzât te jerbe dal cievezâl.

Lu vevin pierdût i laris s'ciampant vie pe gnot.

Alore chel predi al à un lamp che lu ilûmine: lu ciape sù e lu puarte a ciase cun dute devozion...

— Po ce âl di fâ di chel râf? 'i domande le Perpètuë.

— Ma... 'o vedarin... Lasse fâ di mè, tu...

Le fieste dopo lu puarte in glésie, chel biel ravòt, e lu poe, cu' la vis'cie a pendolòn, su le balaüstres dulà che al leve a prediciâ.

Le int in glésie 'e ciale e riduce e cisiche; si domande ce intenzions che al à el Plevàn. Al ere un pôc strambòt chel predi, ma lâ a Messe cu t'un râf e jere masse gruesses!...

Al Vanzeli el Plevàn si volte e si met su le balaüstres e al comence cussi:

— 'O savès ce ràs che 'o vevi tal gno ort, e 'o savès che ju vevi metùs par podè rivà cu' la tele; parceché 'o savès àncie che cun chel che mi dais ualtris no si jemple avonde el bul-tric... E chei ràs, siorsi che àn fate gole a qualchi biel tomo, che al crodarà di vè fate cui sa ce biele bravade... e ancimò al à el coragio di vigni in glésie sperànt che nissùn al sepi ce che al à fat... Ma jo sì che lu cognòs... Velu lajù che al è!... Tiraisci di bande, che 'i buti te muse àncie chest râf che al à pierdùt s'ciampànt...

E cussì disint al ciape sù el râf de balaüstre e al fâs el moto di tirâlu a qualchidùn, lajù tal grop dai omps, in fons de glésie.

Alore dut t'un momènt si viôt un omenòn che si fâs lare in te fole cui comedóns e al s'ciampe fur di glésie a giambis puartaimi, come se al vès viodùt el diaul...

Al sucèt un batabui d'infier come se si fos dismòt un bóz di às...

El Plevàn, che nol veve crodùt a tant sucès de so prèdicie, al ciale un momènt, al riduce. Po si volte e al intone el Credo...

Buie

PIERI MENIS

Adio sopis!...

Une volte, e mi ricuardi àncie jo, tai pais lis ciasis 'e erin plenis di int, mässime di früz, come bóz di às. Fin che al ere vif el vècio no si dividevin, fòssino stàs magari in cinquante in famee. Par salvà l'economie di ciase i vècios 'e misuravin dut, fur che l'aghe; e cussì se vignive le combinazion i zovins 'e jerin pronz a petàure ai vècios par mangià di scuindòn une bocjade di plui, o magari cence misure, di ce che ur plaseve.

Une di chestis ocasions si presentave sul purcità. Lis fè-minis che svuacaràvin dut el dì, le sere, dopo che chei omps 'e levin a durmì, cu' la scuse di freà, si fermavin a bàs e ti fa-sevin lis sopis cul maranzòn. Saveso ce bon brùt che al ven cul maranzòn!...

Une volte al sucèt chest fat. In t'une ciase lis cugnadis, che erin tre, 'e vevin preparàt dut par fà cheste mangiade di maranzòn, e ancimò 'e vevin invidadis dós lor amies visinis di ciase. El maranzòn al ere lavât e spelât, el formadi lu vevin

gratât e platât te panârie durânt le zornade, un verât di vin al ere daûr dal sac de farine, e el pan tazzât lu vevin tignût indaûr di chel dai crafus...

Ma el vècio, dite che al veve el rosari, al restave lì sul cadregòn zugnànt.

— Pari, us ven ché di Peonis! No valso a durmì?...

Lui, al smungulave ma no si moveve; e lor, cori di cà cori di là, fai ché vore, scove chi, free là, met sore aghe...

Quant che Diu al à volût, chel vècio planc planc si alze e si met a là sù te ciàmare: «Buine gnot». «Buine gnot pari... ».

«Finalmentri al è lât chel pote di omp... No le finive plui usgnòt... ».

Une 'e met sul fogolâr une bieie cioce di morâr di chês che àn fassion, che fasin boli subit le cite; ché altre 'e met sore chel grant fuc le stagnade di ram; e ché altre, come une sborfe, 'e jesc a clamâ lis amies...

«Ma ce isal?... ». «Al torne jù el vècio... ». «Ce dal diaul âl usgnòt?... ».

Apene in ciase al dis. «Ce faseso di chel grant fuc?... No veso navigât avonde, ué?... Parcè no valso a durmì?... ».

E sot dai ceóns al gire i voi atòr,... chei voglâs che vedevin dapardût...

«Pari - 'e dis la plui vècie, che 'e veve la lenghe simpri pronte par giavâsi dai imbrois - 'o vin ancimò quatri canavacis di fâ boli e 'o vin pensât di distrigâsi usgnòt... ».

«O tant ben, ve! - al dis chel omp - fasêmi boli âncie chest fazzolèt... ».

E prime che nissun lu fermi al alze le cavaltorie e ti met te stagnade chel so fazzoletât plen di tabac.

PIERI MENIS

CASA DI CURA per malattie chirurgiche
sulle colline di **TRICESIMO**

(a 5 minuti dal tram per Udine) - TELEFONO N. 2 - dalle ore 8 alle 12

Prof. Dott. Comm. S. MENGHETTI

Docente nella R. Università di Firenze

ENDOSCOPIE Vie urinarie - Apparato digerente

Udine - Via Mazzini, 7 - Telefono 4.49 - dalle ore 13 alle 19

Sagris di dut il Friûl

(Lis sagris plui grandis e' son stampadis in corsif)

Zenâr

1. *Circoncision dal Signôr — Internèp* (Bordàn) — *Merêt di Tombe*: perdòn des Quarantoris — *Morùz*: sagre a Sante Margarite.
6. *Pifanie — Cividât*: messe dal Spadòn — *Dole* (Idre): la dom. dopo — *Tarcint*: sagre dal pignarûl.
10. *II domènie — Solimbèrc* (Sequals).
17. *S. Antoni Abât — Barbeàn* (Spilimbèrc) — *Basandiele* (Vîvâr) — *Bordàn* — *Ciâulis* (Verzegnis): distribuzion dal pan di Frangél — *Clènie* (S. Pieri dal Nad.) — *Colorêt di M. A.* — *Gnespolèt* (Lestizze) — *Gradis'cie di Spilimbèrc* — *Miezemònt* (Pulcinic) — *Pocenie* — *Tramònz di miez*.
20. *S. Bastian — Dignàn* — *Gradis'cie* — *Rizzûl*.
21. *S. Agnès — Joannis — Trep di Ciargne* — *Rorai Pizzul* (Porcie): la dom. dopo — *Vergnà* (Reane).
25. *Conversion di S. Pauli — Morteàn* — *Pastàn di Pordenòn*.

Fevrâr

2. *La Madone de Cereole — Cividât*: te glèsie dal Ospedâl — *Frossenic* (Taipane) — *Mont Urabis* — *Tresesin*.
3. *S. Blàs — Aprât* (Tarcint) — *Avian* — *Cividât*, a S. Blàs — *Distrât* (Spilimbèrc) — *Iutissans* (Verzegnis) — *Lauzzane Lestizze* — *Masèris* — *Merlane* (Trivignàn) — *Pozzàlis* (Rivis d'Arciàn) — *Raspàn* (Ciassà) — *Scodevâcle* — *Sudri* — *Tierz di Aquilee*.
9. *S. Polonie — Barbeàn* (Spilimbèrc) — *Ciassà* (la dom. dopo) — *Grupignàn* (la dom. dopo) — *Liussûl*.

Furlans,

beveit la Bire

Furlane di

Moret

11. Morùz — Vendoi (sagre dai emigrànz).
13. S. Fòs'cie — Frisànc.
14. S. Valantìn — Baracét (Cosean) — Ciurciuvint — Ciarpà — Cividât: borc di S. Domeni — Claujàn (Trivignàn) — Clauzèt — Conoglàn (Ciassà) — Damâr — Dartigne — Esemòn (Ravief) — Farle — Fraforeàn — Grimà — Madone (Buje) — Manzàn — Pozzàlis (Rivis d'Arciàn) — Scluse — Segnà (Tarcint) — Somplât (Ciavàz) — Vissandòn (Basilian) — Zopule — Zupite (Reane).

Marz

7. *Ultime domenie di Carnevâl* — Mascarade di Remanzàs.
9. *Ultin di Carnevâl* — Mascarade di Orsarie.
19. S. Josef — Avian — Badie di Rosazzis — Blessàn — Ciampeis (Pinzàn) — Flaibàn — Laipà — Lusevare — Manzàn — Montegnà (Ciassà): la dom. dopo — Muec' — Percût (Pavie) — Pontebe — Porcie — Pradielis (Tarcint) — Qualls (Reane) — Rivis d'Arciàn.
26. S. Quirin (Cormòns) — Puzzui: perdòn des Quarantoris (procession e m.).
27. Ribis (Reane).
28. *III Domènie di Crèstine* — Caprive di Cormòns — Sagre di S. Filumene a Premariàs.

Avril

11. *Domènie di Passiòn* — Cividât: sagre a S. Lazar — Gradis'cie di Sedeàn: Perdòn dal folc — Menarul (Trivignàn).
19. Paludee.
23. *Vinars sant* — Erto Cas: procession famose che riprodùs la Passiòn del Signór — Processions in cùtis lis parochis.
24. S. Zorz — Aicùssine — Brazzan (Cormòns): la dom. dopo — Cal di Cianâl: sagre dal persùt, dal vin e de primevere (la dom. dopo) — Preòn (Enemònz) — S. Zorz di Chions: la dom. dopo — S. Zorz de Richinvelde — Udin:

**RISTORANTE
BIRRARIA**

MANIN

Rimesso a nuovo - Cucina scelta a tutte le ore

Specialità spuntini - Salotti per comitive

UDINE

VIA MANIN

UDINE

marciât, continue tal domàn in bore di Grizzàn: la dom. dopo — Lusèvare.

25. *Pasche* — Mige: sagre sul Cuèl — Rodeàn Alt (Rivis d'Arciàn): Madone di Lourdes — Pavie: fieste des Quarantoris ancie tal lunis — Ciamplunc: sagre a S. Lenàrt. — Basiliàn — Brazzàn (la dom. dopo) — *Claujàn* (Trivignàn: la dom. dopo — Cucane (Biciniis) — Gai (Spilimèrc) — Pasiàn — *Raspàn* (Ciassà) — Ruvignàs (Cividât) — Scodevâcie: la dom. dopo — Stevenà (Caneva): la dom. dopo — S. Marc di Merêt — *Trep Grant*.
26. *II fieste di Pasche* — *Cormòns*: sagre sul cuèl di S. Quirin — Cras (Drencie) — *Fane*: Madone di Strade — Geàn (Cividât): Madone di Grazie — *Medeuzze* (S. Zuan dal Nad.) — *Pulfar*: fieste te grote di S. Zuan d'Antri — Pignàn (Ruvigne) — *Rualis* (Cividât) (ancie domàn te glesie di S. Zorz) — *S. Marie la Lunge* — *Udin* (Prât di S. Catarine) — *Torlàn* cu lis botis di vin sul prât e coros.

M a i

1. Resie — Mainech: sagre dal 1. di mai.
2. *Otave di Pasche - I domènie di mai*: S. Floriàn — *Ciurciu-vint* — Burl (sagre da vin, ancie tal lunis) — Geàn (Cividât) — Ontagnàn — Mariàn — Sostàs (Frât di Ciargne) — S. Gotàrt — Vinài — Collerumiz (Tarcint) — Cordovât: sagre de Madone di Campagne — *Cumierz* (Majan) — *Internèp* (Bordàn) — Faedis: sagre dal vin — Pradamàn — S. Martin di Quische.

Si mangia bene!

RISTORANTE "AL MONTE,"

UDINE - Via Mercatovecchio - Tel. 713 - UDINE

Proprietario GINO DALLA MURA

Casa di Cura dott. F. PBLIZZO

Specialista per le malattie d'orecchi, naso, gola

presso la Clinica Otorinolaringologica della R. Università di Firenze

Riceve: **Via Ravis, 32 - UDINE - Telefono 6-02**

dalle ore 10 alle 12 e dalle 15 alle 17 (il Venerdì dalle 15 alle 17)

3. *Cividât*: Il Ciapitul al va a Madone di Mont — *Invenzion de S. Crôs* — Basèje (Spilimberc) — S. Crôs di Aidussine.
9. *II dom. di mai* — *Bagnàrie* — Cimolais — Cordovât — Fare dal Lusinz — Grimà — Joannis — S. Zorz dal Lusinz — *Visinâl* (Buri).
30. *Ultime dom. di mai* — Ciavaz di Ciargne: sagre de Madone — Gonârs — *Pricinins*: S. Urban — *Lauc* (fieste tre dis) — *Pulfar* — S. Canzian — Planine — Prât di Ciargne — Risàn (Pavie di Udin).

G i u g n

2. S. Zorz di Nojâr: sagre dal sport — Cervignàn: fieste dal vin.
La Sense — Cividât: i parochians di bore di Puint e' van a Madone di Mont — Glemone: S. Agnès — Zui di Ciargne: sagre a S. Pieri.
6. *B. Beltràm* — A Udin in Domo si benedissin i flòrs su la tombe dal B. Beltràm.
13. *S. Antoni* — Bordàn — Cis'cielgnûf — Davài — Frisànc — Gradis'cie (Spilimberc) — Glemone — Intissans (Verzegnis) — Mion (Davâr) — Piérle (Prât di Ciargne) — Porcie (S. Antoni): la dom. dopo — Rodeàn bàs — Trep di Ciargne.
13. *II dom. di jugn* — *Tarnove dal Lusinz*.
15. Maràn (S. Vio).
20. *III dom. di juign* — S. Luis Gonzaghe — Ciaorèt (commemorazion del Mont Neri) — Tarpèz (S. Pieri dal Nad.): sagre des ciariesis — *Arbe*: la dom. dopo — Cis'cielgnûf — Ruede (Pulfar) — Trave (Lauc): la dom. dopo — *Udin*: procession a S. Quirin (la dom. dopo).
24. *Corpus Domini* — Cras di Drèncie — Firman (Premariàs) — Monteviarde (Taipane) — S. Crôs di Aidussine (la domenie dopo).
S. Zuan Batista — *Barcis* — Ciassà: la dom. dopo — Cordenòns (la dom. dopo) — *Latisane* — *Pulcinic* (la dom. dopo) — *Pulfar*: fieste te grote di San Zuan d'Antri —

BAR COTTERLI

- Sacil — S. Zuan dal Nadison — S. Zuan di Ciasarse (la dom. dopo) — Vivâr — Porpêt.
27. *IV dom. di juign* — S. Acazi — Idrie: grande fieste di S. Acazi protetôr des minieris — Trave.
29. *SS. Pieri e Pauli* — Alni (Morùz) — Avile (Buje) — Badie di Rosazzis (Manzàn) — Ciàulis (Verzegnis): fieste des ciariesis in Selve e vilotis a Copân — Cordenons — Cordovât — Dimpèz — Dobràulis (S. Crôs di Aidùssine) — Dolegnàn — Dolegne — Gargâr: sagre dai strùcui e dal gnûf persût — Giavòns (Rivis d'Arciàn): sagre dai giambars — Gurizze — Majàn — Malisane — Pocenie — Româns di Vâr: sagre dai giambars — Ruvigne — S. Pieri dal Nadison — S. Pieri di Ruvigne — Scluse — Tarcint — Travès — Tarvis — Valvasòn: la domenle prime o dopo de fieste, secònt c'al ven fissât di an in an — Vilegnove (Fare dal Lusinz) — Visc.
30. *Pocenie.*

L u i

2. *Visitazione di M. V.* — Liussûl — Riemberg: S. Uldari — Il Ciapitul di Cividât al va a Madone di Mont.
3. *Variàn.*
4. *I dom. di lui* — Brazzà — Clauzèt: il Perdon — Cussignà (Udin) — Flambrùz (Rivignàn) — Grau: prucission pe lagune a Barbane — Maròn (Brugnere) — Muzzane — Osôf: S. Colombe — Pravisdomini — Româns dal Lusinz — Rude — S. Odorico (Sacil) — S. Zorz de Richinvelde: sagre de Richinvelde — Spesse (Caprive) — Tresesin: fieste di S. Luis.
11. *II dom. di lui* — S. Ermacore e Fortunât — Udin — Aquilee — Chions — Ciaicis (Verzegnis) — Glale (Prepot) — Darte — Enemonc' — Precinins: la dom. dopo — Ronziac (la II dom. dopo la fieste di S. Ermacore) — Roverèt di Vâr: sagre dai èmui — S. Stiefin (Buje) — Sapade — Savogne — Scrlie (S. Crôs di Aidùssine) — Azzàn X — Dazàn di Iplis — Dignàn — Prate di Pordenon — Prosenic (Taipane): S. Bonaventure — Sacil: sagre di S. Libéral.

IL VERO RISPARMIO

La Premiata Tintoria - Lavanderia - Pulitura a Secco

COMINO - UDINE

RIVA BARTOLINI, 7 - TELEFONO 14-19

Rinnova cappelli borghesi, alpini e da sacerdote, abiti sbiaditi e macchiati.
Concerla e Tintoria di pellicce - Tintura giacche di cuoio, borsette, ecc.

PREZZI CONVENIENTI

16. *Madone dal Carmini* — Ciaicis (Verzegnis) — Fors Avoltri — Paulâr — Vendoi (Trep Grant).
18. *III dom. di lui* — Baracèt — Bicinins: *Madone dal Cârmini* — *Cervignàn* — *Ciamplunc* — *Cordovât*: *Madone dal Cârmini* — *Cortâl* (Reane): sagre di S. Vicènz — Dalès (Trasaghis) — Dignàn: *Madone dal Carmini* — *Dolegnàn* — Driulasse (Teôr): perdòn dal Cârmini — *Fane*: *Madone dal Cârmini* — Grimà: S. Jacum — Lestizze — *Palme* — Palse (Porcie) — *Ravasclet* — Remanzàs: sagre dai giàmbars ance tal lunis — *S. Denêl dal Friûl* — *S. Laurinz di Sedeàn* — *S. Zuan di Pulcinic*: il Cârmini — Toreàn — Tramonz di mièz — Trasaghis — Tumièz — *Udin*: procession de *Madone dal Cârmini* — *Varlàn* (Pasiàn): S. Luis — Visinâl (Pasiàn di Pordenòn): perdòn dal Cârmini.
20. *S. Margarite* — *Sagrât* (sagre dal Redentor) — *S. Margarite* (Morùz) — *Sapade* — *Dolegne* (la dom. dopo).
22. *Zòpule*: S. Marie Madalene.
25. *S. Jacum* — Cordenòns: la dom. dopo — Craui (S. Vit de Tôr): la dom. dopo — *Paluzze* — Pesàriis: S. Jacum la dom. dopo — *Praturlòn* (Flum Venit) — Savorgnàn (S. Vit dal Tinimènt) — *Sedran* (S. Quirin): la dom. dopo — Susàns: sagre dai giàmbars — Tamai (Brugnere) — *Torean di Cividât* — Valvason — *Vile Santine*.
25. *IV dom. di lui* — *S. Ane* — Conoglàn (Ciassà): la dom. dopo — *Marie Zell* (Salone dal Lusinz): la dom. dopo — *Morùz* — Gracóve Seravâl — *Sagrât* — Are Grande (Tressésin) — Ariis (Rivignan) — Alnic (Palmegnove) — Faedis: S. Jacum — *Rigulât* — *Sedran* (S. Quirin): sagre di S. Jacum — *Spilimbèrc*: *Madone dal Carmini* — S. Andree (Pasiàn di Pordenòn) — Pofàvri: S. Liberâl.

A v ô s t

1. *I dom. di avòst* — Belgrât di Vile di Vâr (sagre dai polèz) — Brazzà — *Buje*: in Andreuzze — *Buri* (ancie il lunis): sagre dai polèz — *Pantianins*: perdòn di S. Luis — *Per-*

Libreria Cattolica

Gorizia

Piazza della Vittoria N. 11

- teùlis* — Resiute — *Rodeàn Bas* (Rivis d'Arciàn): S. Antoni — S. Vit de Tòr — *Val* (Reane): Madone de Salùt — *Zirà* (Remanzàs): sagre dal polèz.
3. *Invenzion di S. Stiefin* — *Gradis'ce di Sedean*.
5. *S. Svualt* — Avàusa (Prât di Ciargne): S. Osvualt la dom.
8. *II domènie* — *Colorêt di M. A.*: la Madone de Cintùrie — Conoglàn (Ciassà): S. Ane — Cuelvilan (Faedis) — Dommanins — *Flaiban* — Fors di sot — Godie — Grions de Tòr — *Pradamàn* — *Seveàn* — Vilès (Romans dal Lusinz).
10. *S. Laurinz* — Ciavolàn (Sacl): la dom. dopo — Dogne — Fors Avoltris — *Palazzùl* — Roncis dai Legionàris — *S. Laurinz di Sedeàn* — *Sauris* — S. Zuan dal tempio (Sacl).
15. *III domènie d'avòst* — *Assunzion de Madone* — Aquilee: fieste titolâr de Basiliche — Atimis — Cesclâns (Ciavàz) — Bìsepente — Ciamp-lunc (luminazion di sere) — Ciamp-muèl (Teór) — *Cianâl dal Lusinz* — Ciassà — *Ciaurià* (Colorêt di M. A.) — *Cisterne* (Coseàn) — Ciurciuvint — Claut — *Comeglians* — *Dardago* (Budoe) — Artigne — *Drèncie* — *Driolasse* (Teór) — Fors di Sore — Fare dal Lusinz: sagre de Sunte e di S. Roc — Idrie — *Morsàn dal Tajam.*: S. Roc — Molmàs — *Montreâl* — Orzan (Remanzàs) — *Palazzùl* — *Pinzan* — *Plasencis* (Merêt) — *Pontebe* — *Porcie* — Preval (Mosse) — *Reane* — Rèsie: Smarnamisa — *Romàn dal Lusinz* — *Sable Grande* (S. Cròs di Aidùs-sine) — *S. Andràt dal Judri* (S. Zuan dal Nad.) — *S. Margarite* (Morùz) — *S. Vit de Tòr* — Tauriàn (Spilimbèrc) — *Tramònz di Sot* — *Udin*: a Madone di Gràzie — *Udin*: sagre de Madone dai Agnui in Baldassarie — *Vigognùf* (Fontanefrede) — Vivâr.
18. Adornàn: la Madone.
21. *S. Donât* — *Cividdât*: fieste dal Patrono (funziòns in Domo - Crésime - Processiòn).
22. *IV domènie* — Basandiele — Codér (Sedeàn) — Cormòns: perdon de Cintùrie — *Internèp* (Bordàn): perdòn de Cintùrie — Manazzòns (Pinzàn) — *Poulèt*: sagre dal polèz — *Risàn*: perdon de Cintùrie — *Romàn dal*

<p>Magazzini</p> <p>6 PORTE</p>	<p>Vasto assortimento TESSUTI d'ogni genere</p> <hr/> <p>CONTINUI ARRIVI NOVITA' DI STAGIONE</p> <hr/> <p>CONFRONTATE I PREZZI</p> <hr/> <p>UDINE - Via Cavour, 26 - UDINE</p>
---	--

Lusinz — Rodeàn Alt (Rivis d'Arcian) — Roverèt in plan — Ruvignàs (Cividât): sagre de angürie sui prâz di S. Eline — S. Marizze (Vâr): perdòn dal cuful — *Segnà* (Tarcint): dopo — *Sauris* — Selvis (Remanzàs): Madone de nêf.

sagre dal vin a S. Eufèmie, ancje il dì prime — Somplât (Ciavaz di Ciargne): sagre dal lat.

24. S. Bortul — *Basêt* (Chions): la dom. dopo — Corve (Az-zàn) — Erto Càs — Gris (Montreâl) — *Orgnàn* (Basilian) — Roverèt in Plan — *Scluse* — S. Zorz di Nojâr: ancje domenie e lûnis — Trasaghis.

28. S. Denêl: sagre.

29. *Ultime domenie* — *Anduins*: S. Bortul — Ciavenzàn (Ciamplûnc) — Dîlignidis (Lane) — *Tresésin*: Sagre di S. Flumiene.

Setembar

5. *I domenie di setembar* — Basandiele — Bordàn e Internèp (un an par pais: chest an a Bordàn sagre sul S. Simeòn m. 1220) — *Ciassà*: perdòn de Cintûrie — Dignàn: Madone de Cintûrie — Cormons: tal domàn — *Cosian* — *Dol Otelze* (Aidüssine) — *Feagne*: corsis dai mùs — *Gonârs* — *Paluzze*: sagre di plazze — Prepòt — *Pulcinic* — Scodevacie — Sacil: la famose sagre dai ucel cun esposizion e marciât di ucel e robe par oselande — S. Margarite — San Mâur (Premariâs) (procession e m.) — S. Odorico (Flaibàn): Madone de Cintûrie — *Tresésin*: fieste dai ucel — Vinai.

8. *Nativitât di M. V.* — *Atimis* — *Avian*: grande sagre a Madone di Mont, ancje la vilie — *Bertiûl*: al Santuari de Madone di Serencis — *Butinins* (Moimâs) — Ciampfuarmit: perdon — Cîanâl dal Lusinz: sagre a Marie Zell — *Ciassà*: sagre de Cintûrie — *Cions* — Cividât: il Ciapitul al va a Madone di Mont — Claut — Distrât (Spilimberc) — Flaibàn — *Gradiscie di Sedeàn*: Maternitât di M. V. — *Manià* — *Nimis*: Madone de Planele: famose sagre cun duc' i divertimenz: botis dal mior vin sul prât — *Opeciasese* —

Società Friulana di Elettività

— U D I N E —
VIA LODOVICO UCCELLIS, 10

- Teòr — Trivignàn — Udin: a Madone di Gràzie — Ville Santine: sagre a Madone dal Puint.*
12. *II dom. di setembar — Spesse (Cividât) (processiòn e m.) — Vinai (Lauc).*
14. *Esaltazion de S. Cròs — Ciasarse — Lestàns (Sequals): la dom. dopo — S. Cròs di Aidussine.*
19. *III domènie di setembar — Bresse — Ciadugnee (Tumiez): Madone dai 7 Dolòrs — Ciopris — Dartigne: sagre dal Redentôr sul Quarnàn (m. 1372) — Fauis (Gonârs) — Fraelà: la Madone — Fontanefrede — Frisanc: Madone de la Stangiade — Grimà: S. Martin — Merne — Merêt di Tombe: sagre de Dolorade — Morteàn — Pertèulis — Pravisdomini — Rienbèrc — Riverote (Pasiàn di Pordenòn): sagre dal vin gnûf — Roncîs di Latisane — Staranzàn: sagre des razzis — Udin: prucission de Madone dai 7 Dolòrs a lis Gràziis.*
26. *IV domènie — Buèriis — Ciasteons di Strade — Ersèl di Mont — Felèt — Feletis (Bicininis) — Flum Venit — Joanîs — Quâl (Reane) — Renbèrc — S. Zuan dal Nadisòn — Sedeàn — Spilimbèrc: sagre a l'Ancone — Uelis (Manzàn) — Zui: S. Luis.*
29. *S. Michel — Arbe — Bileris (Magnàn) — Ciampmuèl — Cianus (Vile di Vâr) — Merêt di Tombe — Mariàn — Medùn — Pescincane (Flum Venit) — S. Denêl dal Ciar — Scluse — Roncîs.*

Otubar

1. *S. Remi — Clavaz Gnûf (la domènie dopo).*
3. *I dom. di otubar — Arbe — Bordàn — Clavaz Gnûf — Clauzèt — Colorêt di Prât — Cordenòns — Cordovât — Dartigne — Fors Avoltris — Fors di Sot — Fagnigule — Lauc — Manià Liber — Madris di Vile di Vâr — Moimàs — Pantianîs — Pasiàn di Pordenòn — Puzui — Raspàn (Ciassà) — Ravose — Rizzûl (Reane) — S. Denêl dal Ciar — S. Pieri di Ruvigne — Tor di Pordenòn — Travès —*

BANCO DI TRICESIMO "V. Ellero & C.,,

Sconti · Depositi · Antecipazioni · Apertura C/C/
Acquisto e vendita Titoli

CORRISPONDENTE: Banca d'Italia, Banco di Napoli, Credito Italiano, Banca Comm. Italiana, Banco di Roma, Banca Naz. del Lavoro

- Tramòns di Sot — Trep di Ciargne — Trivignàn — Turide — Verzegnis — Vile (Verzegnis): sagre dai lùars.*
10. *II domènie — Craui (S. Vit de Tòr): sagre de vendeme — Dobre (Biliane): sagre dal licòf — Gradis'cie di Sedeàn: Maternità di M. V. — Magnàr in Riviere: perdon dal Rosari — Manzàn — Palme: S. Justine — Pradamàn — Prate di Pordenòn — Rorai Grant — S. Foche (S. Quirin) — S. Zorz de Richinvelde — Siviàn (Rivignàn): sagre de pignate — Tavagnà — Udin: Madone dal Rosari a Laipà — Valerian (Pinzàn) — Vergnà (Reane) — Vileuarbe (Pasiàn): Madone dal Rosari.*
17. *III domènie di otubar — Aidùssine — Bresse — Ciamin di Buri: sagre dai ucei — Ciaurèt — Dolegne: sagre de Ribuele — Fare dal Lusinz: sagre de vendeme — Idrie (S. Taresie) — Griòns di Sedeàn — Osòf — Paludee (Cis'cielgnùf): la Madone de Pàs — Riverote (Teòr) — Rizzùl (Reane): Madone del Rosari — Teòr — Tombe di Merèt: la Madone de Salùt — Trep Grant: perdòn dal Rosari — Vilegnove (Prate di Pordenòn).*
24. *IV domènie — Bagnarole — Bileris (Magnàn) — Buje: àncie tal domàn — Flaibàn: perdòn dal Rosari — Montegnà — Osòf: S. Justine — Paludee: Madone de Pas Rèsie — S. Quirin: Madone de Salùt — Sedeàn: Madone di Lourdes — S. Zuan dal Nadisòn.*
28. *S. Simon — Codroip (27. 28, 29): casotos, d. ecc. — Madone di Buje.*
30. *Cividat: fieste de B. Benvignude B. te glesie di S. Pieri dal Volz.*

“LA FONDIARIA,, Compagnie Italiane di Assicurazioni - FIRENZE

Capitale sociale e riserve L. 210.000.000

Tutte le assicurazioni contro i danni a cose e persone e sulla vita

Agenzia Generale di Udine: Piazza Garibaldi, 4 - Telef. 6-43

**!! PER I VOSTRI ACQUISTI
RICORDATE LE
PROFUMERIE**

**CABASSI
UDINE**

Via Paolo Canciani, 16 - Telefono 11-58
Via Vittorio Veneto, 26 - Telefono 11-57

Novembar

1. *Duc' i Sanz* — *Rivignàn*: àncie tal domàn — *Mels*.
3. *Prate di Pordenòn*: *Madone de Salùt*.
4. *S. Carlo* — *Fieste de Vitòrie* — *Dael* — *Paludee* — *Ravasclèt*.
11. *S. Martin* — *Baracèt* (Coseàn) — *Barc* (Pravisdòmini) — *Cividât* (casotos, d.) — *Clauzèt* — *Cuar di Rosazzis* — *Internèp* (Bordàn) — *Latisane* — *Martinuc'* (Najarèt) — *Pinzàn* — *Resiute* (àncie tal domàn) — *Romàn dal Lusinz* — *S. Laurinz di Mosse* — *Savalòns* (Merèt di Tombe) — *Savogne dal Lusinz* — *Vile* (Verzegnis) — *Zervignàn* — *Zumpitte* (Reane).
14. *II domènie di novembar* — *Mels*: *S. Luis*.
19. *Romàn dal Lusinz*: *S. Lisebete*.
21. *III domènie* — *Classà*: *S. Valantin* — *Madone de Salùt* — *Basèlie* (Spilimbèrc) — *Bordàn* — *Cis'cielgnûf* — *Darte* — *Fraforeàn* — *Nearèt* (Coseàn) — *Palazzùl*: sagre de *Madone* ogni 5 ains: 1940 - 1945 ecc. — *Sequals* — *Tiez* (Azzàn) — *Tramonz di sore* — *Muriis* (Ruvigne).
25. *S. Catarine* — *Udin*: in zardin grant (casotos, d. ecc.).
28. *IV domènie* — *Cisterne* (Coseàn) — *Montegnà* (Classà).
30. *S. Andree* — *Atimis* — *Ciasteons di Zòpule* — *Grions di Sedeàn* — *Opeciasele* — *Venzòn*.

Dicembar

4. *S. Bàrbare* — *Culture* (Pulcinins) — *Idrie* — *Ossècie Vituje*: la dom. dopo — *Taurian* (Spilimbèrc).
6. *S. Nicolò* — *Ciampòn* (Tramonz di set) — *Comegliàn* — *Crede* — *Llussùl* — *Rodeàn Bàs* (Rivis d'Arcian) — *Taurian* (Spilimbèrc).
7. *II lùnis dopo di S. Andree* — *Gurizze* — *Sagre e fiere di S. Andree* cun grant concors di int e di divertimènz di ogni fate.

Fabbrica Bilance FRATELLI SCHIAVI

FONDATA NEL 1859

UDINE - Via Cesare Battisti, 1 b-c (Portone di Grazzano)

Bilance automatiche - Pese a ponte stradali brevettate

8. *L'Immacolade Conceziòn* — *Budoe* — *Ciampmuel* — *Ci-sèriis* — *Cuje* (Tarcint) — *Gòdie* (Udin) — *Pantianins*: la Madone mericane — *Pignàn* (Ruvigne) — *Segnà* (Tarcint) — *Taipane* — *Trep di Ciargne* — *Vidulis* (Dignàn).
13. *S. Lùssie* — *Budoe* — *Casiàc*: la dom. dopo — *Darte* — *Dardago*: la dom. dopo — *Glemone* — *Lauc*: la dom. dopo — *Raspàn* (Ciassà) — *S. Lùssie di Tulmin* — *Sedilis* (Tarcint) — *Top* (Travès) — *Udin*: sagre al Redentòr.
21. *S. Tomàs* — *Morùz* — *Vinai* (Lauc).
26. *S. Stiefin* — *Cesclàns* (Ciavâz di Ciargne) — *Cornizai*: la dom. dopo) — *Gradis'cie di Spilimbèrc* — *Salcàn* — *S. Stiefin* (Verzegnis): fieste dal capolûc lì di Bezzone ma Messe in Parochie, che la Glesie e jé ruvinade dal teremot — *Vipau*.
27. *S. Zuan Vanzeliste* — *Magnàn* sagre de glèsie.
28. *I Sanz Nocènz* — *Bordàn* — *Ciadugnee* (Tumiez) — *Tresesin*.
31. *S. Silvestri* — *Opaciasèle*.

MOBILIFICIO TORROSSI

Via Baldissera, 13 UDINE Telefono N. 4-41

PREMIATA FABBRICA DI MOBILI
MODERNI ED IN STILE ANTICO

Deposito: **COMPENSATI**, Paniforti,
Tranciati, Radiche, Sedili, Schienali, Parchetti, ecc.
Rappresentante: Persiane avvolgibili "PAPA,"

Grandi Magazzini Casalinghi

"La Vitrum"

di M. Martini

Udine

Porcellane-Terraglie-Cristallerie

Ferro smaltato - Alluminio

Stoviglie acciaio inossidabili

Pirex (vetro da fuoco)

Pasaterie delle migliori Marche

Ghiacciaie-Carrozzelle per bambini

Completo Assortimento Articoli Casalinghi

Specialità Articoli da Regalo
Maioliche - Ceramiche Artistiche

Lampadari stile Antico e Moderno

FILIALI IN UDINE

già CERAMICA GALVANI: Via Paolo Sarpi

già CERAMICA GALVANI: Via Paolo Canciani

CASALINGHI A BUON PREZZO: Passaggio Vitrum

Comune di Palmanova

Fiere e Mercati

Tutti i LUNEDI' dell'anno :

Mercato di Bovini, Equini, Suini, Ovini,
Polleria, ecc. - Mercato di Granaglie
Sementi e Merci varie.

Tutti i VENERDI' dell'anno :

Mercato in Piazza.

Grande fiera annuale di S. Giustina

(Tutti i Lunedì di Ottobre)

*Funzionamento Pese Pubbliche
nel Capoluogo, alla Stazione Ferroviaria
e nella Frazione di Jalmicco*

Banca Cattolica del Veneto

SOCIETÀ ANONIMA


Capitale Sociale L. 50.000.000 - Riserve L. 5.650.000

Sede Sociale e Direzione Generale: Vicenza

SEDE DI UDINE

Uffici dipendenti:

Ampezzo - Basiliano - Bertolo - Buia - Cividale - Clodig -
Codroipo - Comeglians - Cordenons - Fagagna - Gemona - Go-
rizia - Latisana - Maiano - Manzano - Moggio - Mortegliano -
Nimis - Osoppo - Palmanova - Paluzza - Pontebba - Pordenone
- Rivignano - S. Daniele - S. Giorgio - S. Leonardo - S. Pietro
- Sedegliano - Spilimbergo - Talmassons - Tarcento - Tarvisio
Tolmezzo - Villasantina - Zoppola



MOBILIFICIO SELLO GIOVANNI UDINE

STABILIMENTO e MOSTRA: Piazza Umberto I

MOBILI ARTISTICI e COMUNI - TAPPEZZERIE
STILE ANTICO - STILE 900

TELEFONO 10

Comune di Codroipo

FIERE e MERCATI dell'anno 1943-XXI

Primo e terzo martedì di ogni mese

Mercato bovini, equini, caprini, car-
riaggi, formaggi e stramaglie .

Tutti i martedì dell'anno

Mercato ovini e suini

Mercato granaglie, mercerie, calza-
ture, ecc.

Mercato legna da ardere, cesti, vi-
mini, ecc.

Mercato uva e frutta

Mercato pollame ed animali da cor-
tile

Mercato verdura

Mercato formaggi

In Primavera

Mercato di gelsi, piante da frutto
e da ornamento, viti, ecc. . . .

Durante l'Estate

Mercato di rastelli, falci, ecc. . . .

In Autunno

Mercato di bottame, ecc.

Durante l'Inverno

Mercato agrumi

Località

Foro Boario

Piazzale Suini

Piazza V. E. III

Piazza Garibaldi

Largo S. Francesco

Largo delle Carceri

Via S. Maria M.

Piazzetta Littorio

e Piazz. Pescheria

Piazza Dante

Piazza V. E. III

P.ta Garibaldi

Largo S. Francesco

3° Martedì di Settembre: Mercato a Premi di Puledri e Muli giovani

GRANDE FIERA DI S. SIMONE

(27-28 Ottobre)

Bovini, equini, suini, frutta, pollerie, uova, mercerie, ecc: nei
posti sopradetti

*N.B. - Tutti i mercati che venissero a cadere in giorno festivo
sono rimandati al giorno successivo, o, con apposito avviso,
ad altro giorno.*

CASSA DI RISPARMIO DI UDINE

Fondata nell'anno 1876

Patrimonio L. 29 milioni
Beneficenza erogata L. 20 milioni
Depositi fiduciari L. 300 milioni

Premiata dal Ministero con medaglia d'oro - Partecipante dell'Istituto Federale delle Casse di Risparmio delle Venezia - Sede Compartimentale dell'Istituto di Credito Fondiario delle Venezia - Federata con le Casse di Risparmio delle Venezia.

FILIALI:

*Cervignano - Cividale - Latisana - Maniago
 Pordenone - Sacile - San Daniele del Friuli
 San Vito al Tagliamento - Tolmezzo*

Ricevitoria e Cassa Provinciale di Udine

ESATTORIE:

*Udine - Cervignano - Latisana - Maniago
 Mortegliano - Sacile - Tolmezzo*

SERVIZIO CASSETTE DI SICUREZZA

Servizio Depositi a Custodia Amministrati



*Jé la tiare a boce viarte
 jé la blave ingritulide;
 cialt e sut, sec di ogni bande:
 la campagne 'e jé avilide.*

*Dome a viódilu al fâs rabie
 chel biel cîl di latisîn;
 e si pree, si brame l'aghe,
 vegni pur el montafîn.*

*Dome là che incianalâz
 passin LEDRE e TAJAMENT
 la polente 'e jé sigure:
 cui che al bagne al vîf content.*

COOPERATIVA FRIULANA DI CONSUMO

Società Anonima a capitale illimitato

Sede in UDINE

DIREZIONE e MAGAZZINI in UDINE
(locali propri)

Viale Duodo N. 3 A

Telefoni 3-09 - 170

NEGOZI PRINCIPALI IN UDINE

Via Bonaldo Stringher N. 10 A - Telefono 68

Angolo Via Rialto e Via P. Canciani - Telefono 6-95

SPACCI ALIMENTARI

a Udine: Via Tiberio Deciani

Piazzale Chiavris

Via Pracchiuso

Piazzale Osoppo

Via Volturmo (Nuovo Mercato)

a Cividale: Piazza Paolo Diacono - Tel. 77

a Tricesimo: Piazza Vittorio Emanuele - Tel. 21

MACELLERIA IN UDINE

Via Bonaldo Stringher

PANIFICIO - AUTOFORNO - UDINE (locali propri)

Viale Duodo N. 3 A - Telefono 17

8 Spacci di pane distribuiti nella Città

SUINERIA A LAVORAZIONE MECCANICA IN UDINE

Viale Duodo N. 3 A

DEPOSITO LEGNA DA FUOCO IN UDINE, Viale Duodo 3 A

Segatura e spaccatura

Servizio a domicilio



ZARVIGNÀN

(CERVIGNANO)

MARCIÂZ

Ogni joibe: grans, verduris, pomis, formadis, polam

Prime joibe di ogni mês: bestiis

Fiere di San Martin (11 novembar): il lunis dopo

Prime domenie di juign: Fiere dal vin cun divertimens

Società "CEMENTI DEL FRIULI,, Udine

STABILIMENTI: Padova - Udine - Cividale del Friuli

Cementi ad alta resistenza, normali e pozzolanici - Calce eminentemente idraulica

Direzione: UDINE - Via Aquileia N. 22

SUCC. *A. Basevi & Figlio*

UDINE

VIA MERCATOVECCHIO, 27

*Grandi
Assortimenti*

CONFEZIONI
PER UOMO
SIGNORA
BAMBINI
PELLICCERIE

GIOVANNI FLAIBANI - UDINE
CARTOLERIA

Via Vittorio Veneto, 12 - Telefono N. 4-58

LAVORI DI TIPOGRAFIA E LEGATORIA

Forniture complete per Collegi - Uffici - Scuole

Città di Cividale del Friuli

Fiere e Mercati

TUTTI I GIORNI

Piazza P. Diacono : alla mattina, mercato di frutta ed ortaggi al minuto.

TUTTI I MARTEDÌ E GIOVEDÌ

Piazza P. Diacono : mercato al minuto e all'ingrosso di frutta ed ortaggi.

TUTTI I SABATI

Foro Boario : mercato di bovini, suini ed ovini.

Piazza P. Diacono : mercato di frutta, erbaggi e burro.

Piazza Duomo : mercato di granaglie, patate e formaggi.

Largo Boiani : chincaglierie.

Piazza Foro Giulio : tessuti, scarpe e mercerie.

Piazza Diaz : pollame, selvaggina e uova.

Piazza S. Francesco : legna, carbone e foraggi.

Primo sabato e prima domenica di aprile :

GRANDE FIERA CAVALLI con mostra di bardature, finimenti e carrozzerie.

Seconda quindicina di maggio :

FIERA-CONCORSO DEL VINO

11 Novembre :

FIERA DI S. MARTINO : mercato bovino in Foro Boario, sulle varie piazze grande mercato di merci, frutta, castagne e grandioso parco divertimenti.



Par di la veretât

TESSARO & VIDON

*e son specializâz
in ogni confeziôn.*

*Riguart pò a lis stofis
(des miôr che sein in ûs)
us tratin cenze fòtis,
vécios e ance gnûs.*

*Provait a lâ di lôr,
no ciatais di miôr.*



Banca Nazionale del Lavoro

ISTITUTO DI CREDITO DI DIRITTO PUBBLICO

Filiale di UDINE

Via Manin, 15

Telefoni N. 227, 1227, 1267 (Uffici), N. 4 (Direttore)

Tutte le operazioni di Banca
Locazione Cassette di Sicurezza

COMUNE DI CORMONS

Fiere e Mercati dell'anno 1943-XXI

MERCATI GIORNALIERI - Per esportazione frutta e verdure :
dal 15 maggio al 15 ottobre (Piazza XXIV maggio)

Le contrattazioni hanno inizio per:

Maggio, giugno e luglio non prima delle ore 6

Agosto e settembre » » » » 7

Ottobre e novembre » » » » 8

MERCATI SETTIMANALI - Ogni venerdì e mercoledì oltre
che mercato di frutta e verdura, granaglie e pollame

MERCATI MENSILI - Ogni primo venerdì del mese, grande
mercato di bestiame (Foro Boario)

GRANDI MERCATI ANNUALI - Ottava di Pasqua : grande
mostra-assaggio vini - 25 giugno : Mercato di S. Giovanni -
Venerdì dopo la prima domenica di settembre : Fiera del « Per-
dono della Cintura » (Frutta e verdure : Piazza XXIV maggio
- Bestiame : Foro Boario)

Nuova grande pesa pubblica anche per autotreni



Stabilimento Sartotecnico

REZZOLI & C. - UDINE

Negoziò: Palazzo Municipale

Abiti - Divise - Soprabiti - Impermeabili



Associazione Nazionale degli Enti Economici dell'Agricoltura

Legge 18 maggio 1942 XX N. 566

ENTI ECONOMICI dell'AGRICOLTURA

Legge 18 maggio 1942 N. 566 e D.D. M.M. 16 e 19 luglio 1942 XX

UFFICI PROVINCIALI DI UDINE

Piazza Duomo N. 1 (ex Sede Consorzio Agrario)
N. 6 (Casa di Prampero)

Ufficio Unico di Contabilità

Piazza Duomo, 6 (II piano). Telefono 17-02

Ufficio Prov. della Cerealicoltura

Piazza Duomo, 6 (I piano). Telefoni 14-75 e 16-46

Ufficio Prov. delle Fibre Tessili e della

Pastorizia Piazza Duomo, 6 (I piano). Telefono 17-48

Ufficio Prov. dell'Ortoflorofrutticoltura

Piazza Duomo, 6 (pianoterra). Telefono 19-61

Ufficio Prov. della Viticoltura con unito l'Ufficio dell'Ente della Distillazione

Piazza Duomo, 6 (II piano). Telefono 11-92

Ufficio Prov. della Zootecnia e Ufficio Consorzio tenutari stazioni di monta taurina

Piazza Duomo, 1 - Telefoni 14-36 e 17-24

S.A.F.

**SOCIETÀ
AUTOINDUSTRIALE
FRIULANA**

UDINE - Via F. Crispi, 7

Uffici: Tel. N. 8-49

Officina, Magazzino, Garage: Tel. N. 12

**Officina meccanica per riparazioni in genere
Specializzata per motori DIESEL**

Banco prova - Pompe ed iniettori

Officina autorizzata montaggio gassogeni Soterna

Officina elettrica Marelli - Vasto assortimento ricambi
per O.M. Saurer per ogni tipo di macchina - Rimessa
della capacità di 200 vetture in box ed in comune - Mo-
derna stazione di servizio - Autolinee in concessione per
Latisana - Rivignano - Mortegliano - Talmassons -
Tolmezzo - Arta - Paluzza - Timau - Varmo - Bertoliolo
Lignano - Trasporto merci

**VECCHIA
MUTUA GRANDINE ED EGUALIANZA**

**Assicurazione contro i danni della Grandine
TARIFFE MODICHE - LIQUIDAZIONE DANNI GIUSTE**



"Il Duomo,,

**Assicurazione Incendi - Infortuni - Furti
===== RESPONSABILITÀ CIVILE =====**

Agenzia in UDINE - Piazza Patriarcato N. 6

Cercasi subagenti

Telefono 1-85

Visitate

San Daniele del Friuli!

Il suo colle ridente offre al turista panorami impareggiabili!

*Alla fama dei suoi monumenti, delle sue opere d'arte esso unisce la bontà del suo **prosciutto**, delizia dei buongustai, che più gradito ne fa il soggiorno!*

Provarès ce robe buine,
ben taiade come un vèl,
une fete soprafine
di persùt di Sandenèl.

Il settembre a San Daniele con la purezza delle sue giornate, con la quiete serena delle sue passeggiate, vi renderà liete le vacanze!

Mercato franco:

il terzo mercoledì d'ogni mese, per i bovini, equini, suini, animali da cortile ecc.

Mercato settimanale:

ogni mercoledì, per granaglie, sementi, frutta, verdure, formaggi, suini, pollerie, conigli.

Fiera annuale di San Daniele:

il giorno di *San Daniele* (28 agosto).

Mercato esposizione bestiame a premio.

Sagra del Prosciutto e del Vino.

Esposizione prodotti scarpettifici locali.

Attrazioni - Divertimenti.

Le grandi Fiere di GORIZIA



**sono quattro ogni anno
e precisamente:**

1. LA FIERA DI SANT'ILARIO



ha luogo il 16 Marzo ed il giorno successivo se quello cade di domenica.

2. LA FIERA DI SAN BARTOLOMEO



interessante per la quantità e varietà di uccelli, ha luogo il 24 Agosto od il giorno successivo se questo cade di domenica.

3. LA FIERA DI SAN MICHELE



ha luogo il lunedì successivo al 29 Settembre.

4. LA FIERA DI SANT'ANDREA



ha inizio il lunedì successivo al 30 Novembre e dura 8 giorni. Questa Fiera, molto antica e rinomata, richiama a Gorizia folla grandissima di commercianti ed agricoltori da ogni parte del Friuli.

È giorno di mercato il giovedì di ogni settimana



con mercato di animali il secondo e quarto giovedì di ogni mese

Se in detto giorno cade una festa il mercato viene differito al giorno seguente.

Finito di stampare nelle Officine Grafiche di Domenico Del Bianco e Figlio in Udine il giorno 1-12-1942-XXI

Dott. G. B. Corgnali - *Direttore responsabile*

